

اخرا وليس اخيرا

بطاقة الكتاب

اسم الكتاب: اخرا وليس اخيرا

المؤلف: مجاد ياسر محمد

التنسيق والإخراج الفني: أحمد إبراهيم عبدالرحمن

تصميم الغلاف: إسلام عادل

الطبعة الأولى: ٢٠٢٤م

رقم الإيداع: ٢٠٢٤/٨٤١٠

الترقيم الدولي (ISBN): ٩٧٨-٩٧٧-٨٨٠٢-٠٥-٤

الناشر: دار صيد الخاطر للنشر والتوزيع



المدير العام: أحمد فؤاد

للتواصل: ٠١٠٩٠٧٦٧٩١٩

العنوان: ميدان الساحة - الدقي - الحيزة

جميع حقوق طبع ونشر هذا الكتاب محفوظة لدى دار صيد الخاطر للنشر

والتوزيع والمؤلف، وأي محاولة لطباعة الكتاب بأي شكل من الأشكال دون

الرجوع إلى الدار والمؤلف يعرض صاحبه للمسائلة القانونية

رواية

أخرا وليس أخيرا

بجاءد ياسر محمد

إهداء

الى من علمنى جمال اللغة وجمال الحياة.....

١. ابراهيم عز الدين

المقدمة

اذا اردت ان تقتل انسانا .. من دون ان تعاقب .. من دون ان يغضب عليك الهك .. من دون ان تشعر بالذنب او بتنايب الضمير .. من دون ان تسقط نقطة دم واحدة .. فالامر بسيط يا صديقي ؟ كل ما عليك فعله هو ان تحدد هذا الشخص ثم تقرب منه تشعره وانك انسان عظيم لا مثيل له وانك مختلف عن الباقية تجعله يعجب بك وتتجاوز معه مراحل الاعجاب المختلفة ثم تقرب منه اكثر يوما بعد يوم .. تتقاسم فيه معه افراحه واحزانه وتساعدته في تكوين احلامه وتحقيقها ... الخ ... حتى يحبك ... ويتعلق بك .. يتعلق بك كثيرا فتصبح اول اولوياته وحبيب ايامه ورفيق دربه ... يعتاد عليك وتبقي شيئا اساسيا بالنسبة له .. مفضل عن الاخرين .. وبعد ذلك تختفي ... تختفي من حياته نهائيا بلا تردد ولا رجوع فتصبح ماضي وفي هذه الحالة .. ستحقق هدفك ... اخرا وليس اخيرا ...

صفحة جديدة

ها هو بطل القصة الطبيب صاحب القيم والمبادئ والفكر التحليلي المنطقي... امير... انه عادة ما ينطق كلمة (هذا ليس منطقي) عند مناقشة اصدقائه في امر ما... يجلس علي مكتبه في غرفته الصغيرة المحرومة من الهواء الخارجى... لا عتاب عليه... فنحن في او اخر ديسمبر مقبلين على العام الجديد والجو اصبح باردا .

جالسا علي مكتبه يكتب شىء ما ؟ لا بد انه شىء هام يبدو عليه علامات الحزن والحسرة وكسرة النفس يقوم بغرس القلم بشدة اثناء الكتابة وكأنه ينتقم من شخص ما.... تنبع من عينيه شرارة كانها نيران لا يخففها برد الشتاء.... ماذا يحدث؟ هل يكتب شيكا بمبلغ كبير لشخص يكرهه؟ بالطبع لا .

واخيرا وليس اخرا تم الانتهاء من الكتابة بعد معاناه والان تري ماذا كتب؟ لا نعرف لانه استخدم نيران قداحته وقام بحرق ماكتبه وكأنه يشفي غليله . ظل ينظر الي النار المشتعلة بالورقة وهي تحترق حتي رماها علي سطح مكتبه

اخرا وليس اخيرا _____

.ظلت الورقة الملعونه تحترق حتي اصبحت رمادا وهو يشاهدها ثم ظل يعبث بالرماد كانه يريد ان يحرق الرماد مرة اخري ... اغمض عينيه وتنفس الصعداء.

تم الانتهاء الان هو بخير هو يمشي علي الشاطيء يتحدث مع نفسه مرتدي ملابس ثقيلة.

كما قلت لكم نحن في الشتاء. (شتاء)(شاطيء) لا مشكلة فبعضكم يعلم ان مدينة الاسكندرية تكون معتدله في الشتاء .

- ايه الدراما دي؟ متقلقوش دي طريقة جديدة في علم النفس بتقول ان لو انت في عمرك عايز تفتح صفحة جديدة مع نفسك وتنسي الي فات هات ورقة وقلم واكتب كل الي حصلك من مشاكل وصراعات في الورقة وبعد كدة احرقها دي هتديك طاقة ايجابية كانك اتولدت من جديد وتبدا بعدها صفحة جديدة مع ربنا ومع نفسك.

- حلوه اصل انا دكتور نفسي كنت فاكر اني لما ادرس طب نفسي هتتحل كل مشاكلني في الحياه وهبقي سعيد بس طلع كلام بس خلاص المهم انا نسيت الي فات من البنات الي حبتها وامي الي سابتنني واخويا ومشاكله. الخ

وهذا بداية جديدة ... يستمر امير في السير بجانب البحر
واضع السماعاتي اذنيه ... فيروز بالطبع جميل ان يبدأ
الانسان بداية جديدة ويمحو كل الماضي من ذاكرته كانه ولد
من جديد ولكن المعضلة ليست في الماضي ... الماضي هو
اكبر دليل لناخذ قرار النهاية لقصة ما في حياتنا ولكنها في
مابعد اتخاذ القرار.

وفي اثناء نوم الطبيب امير في شاليه بالاسكندرية بعد سهر
طيلة الليل... يطرق الباب مرة.... لا يستجيب امير .. نوم
شديد.. يطرق الباب مرة اخري بشدة فيستيقظ مفزوعا ويتجه
لفتح الباب اذن بالطارق هو صديقة المقرب ... محمود...

- صحي النوم ..

قال محمود وهو يدخل الي الشالية مسرعا يقوم بفتح
ستائر النوافذ المطلة علي البحر (منظر رائع)

- اصل انا مانتمش امبارح كنت بكتب حاجات وبعد كدة

مشيت جنب البحر ولسة نايم من ساعتين . تشرب حاجة؟

قال امير .

تدق جرس الساعة علي التاسعة صباحا يجلسان

الصديقان يتناولان القهوة الساخنة .

-اوعي تنسي حفلة راس السنة

خلاص بنجهز ليها قال (محمود)

- لا مش ناسي اتنا عارف من ساعه ماشترينا الشالية سوا
وانا باجي هنا او اخر السنة بس المرة دي مش هطول اول يوم
في السنة الجديدة هرجع القاهرة علشان اباشر عملي في
العيادة

- وفي الفترة الي فاتت دي مدقش قلبك ؟ قال (محمود)
... قصدي ملفتش نظرك بنت ولا لسة عايش علي ذكرى
(حنان) يا بني انت سنك بيكبر ولازم تتجوز الشباب الي في
دفعتنا كلهم اولياء امور.

-صدقني انا احسن من أي وقت فات ومستعد احب
واتجوز ونسيت خطبتي السابقة حنان نهائي وبدات مرحلة
جديدة اكيد انا مش هبقي زي اخويا...فهد...بتاع بنات
وبيغيرهم زي ما بيغير هدومه انا عايز زواج واستقرار.. قال
(امير)

-بس المكان دة هيفكرك بيها

اعرفكم الان بحنان هي حبيبة امير منذ الكلية لا استطيع قول انها سيئة ... ولكن الفراق كان بسبب اختلاف في وجهات النظر والعديد من المبادئ . اما فهد فلا يجب ان نقتدي به فهو صاحب الاخطاء والزلات وهو غير معترف بها ... يقضي معظم وقته في الخمارة يسكر وليس له عمل .

هو شقيق امير من الام . انتم الان تتعجبون كيف لاخوين ان يصبحان عكس بعضهما وهم من ام واحدة .

امير يكبر فهد ببضع اعوام ولكن الحكم والمبادئ لدي امير ورثها من والده الدكتور المشهور (عبد الله) جراح القلب .

يتذكر امير حنان دائما في هذا المكان انهم كانوا دائمين الذهاب الي الاسكندرية وثلثهم الشاطيء ... المكان الذي كانوا يتسامرون فيه ويلتقتون الصور لهم التي اصبحت الان في سلة الذكريات .

ايضا لن ينسي بائع الايس كريم (عم حسن) الذي كان يبيعه بجانب الشاطيء وكانوا ياكلان منه .. كلها ذكريات جميلة .

ينهيان امير ومحمود القهوه الساخنة ويتركه محمود مؤكدا عليه الا ينسي حضور حفلة راس السنة مع الاصدقاء ليلا .

بدات التجهيزات للحفلة التي ستقام بجانب الشاطيء من حيث الديكورات والسماعات الضخمة والعروض الترفيهيه ولم يكن يعرف امير ان ماينتظره اصعب بكثير من ماحدث له في الماضي الذي احرقه بنفسه .

دائما ما نتمني ان يصبح غدا افضل وندعو بان تكون السنة القادمة افضل من السابقة . ولكن ما يحدث هي ان السنوات تتشابه في احزانها وافراحها .. لا جديد..

والان دعونا ننسي الماضي ونوصف الحاضر .. الشمس اوشكت علي الغروب والشاطيء مليء بالعمال الذين يفعلون اقصي ما في وسعهم حتي تكتمل الصورة المناسبة للحفل ..

المطربون جاهزون للغناء وفقرات الاستعراض علي اتم الاستعداد جميع الاطعمة والمشروبات جاهزة . وايضا الخمرور للسياح . ياله من منظر رائع رافعين شعار ... الاسكندرية تشتعل ... والان مع موعد فقرة الالعاب

النارية التي يطلقونها في سماء المدينة استعدادا لبدء الحفل..
وصاحبنا امير الان وصل الي المكان تظهر عليه علامات
القلق والتوتر قليلا ماشيا بين الناس منهم من يغني ومنهم من
يرقص وياكل ويسكر ويصرخ... الخ طاقة كبيرة.. اقسام انهم
اذا وفروا نصف هذه الطاقة لبقية العام لاصبحت حياتهم
افضل ... وبينما هو مستمر في السير اذا بصديقة محمود
ينادي عليه .. حمدا لله .. الان لا داعي للخوف .

- ايه يا بني اتاخرت ليه .. قال محمود

- ابدأ مفيش الطريق واقف .. اجابه امير

- يمكن بس علشان النهاردة الخميس .. تحب تشرب ايه؟

-... ليمون... قال امير .

يضحك محمود ضحكة باردة .

- ليمون؟ ليه

- اهو حاجة تليق بالمكان .

الان الوضع اصبح اكثر اطمئنانا لدي امير فاصدقائه قد
وصلوا وتجمعوا مع بعضهم البعض... صحاب الكلية

والثانوي.. يتحدثون عن خططهم للعام القادم.

...ثلاثة.....اثنان.....واحد

.....العام الجديد.....

يبدأ الحفل استقبال العام الجديد بصراخ الحاضرين
واغنية شعبي (مهرجانات) عالية الصوت .

يزداد الضجيج في كل مكان بالحفل ..خرج امير من
الحفل الي مكان بجانب الشاطيء بعيد عن الضوضاء
يتحدث في الهاتف الخليوي .

-الو..الو..مش سامع كويس ..فين ..فين

يقرب امير من فتاه جالسا بجانب الشاطيء و تبكي ..تبكي
بشدة مما لا يتلائم مع جو الحفللا يهتم امير لامرها
ويستمر بالتحدث في الهاتف .

-خلاص ...خلاص...سلام

كثيرا لا تؤثر فينا المؤثرات الخارجية من مرح واحتفال
فالنفس هي النفس والمؤثر الداخلي اكبر بكثير من المؤثر
الخارجي (وجهه نظر)...الان نعود للحفل مع صاحبنا امير

... هو الان بعيد تماما عن الحفل المزعج اللعين.

هو الان ينظر الي البحر الاسود من الليل والسماء التي
تزينها النجوم في منظر رائع وجميل لا يشوّهه سوي فتاه يراها
امير تحاول القفط من علي صخرة كبيرة عالية لتسقط على
صخرة اخري... اي محاولة انتحار...

ياالهي.... انها تلك الفتاه التي كانت تبكى بشدة عند
تحدث امير في الهاتف... هذا غير معقول... نعم انها بالفعل
تنوي الانتحار من دون ان يلاحظ احد.

اخذ امير ينظر في كل اتجاه لينادي احد.. ولكن الكل
مشغول بالحفل فما كان عليه الا ان يذهب اليها ولم يتردد في
ذلك فامير صاحب الشجاعة ويحب مساعدة الاخرين .

ذات الوجه الفرعوني

بدا امير بالمشي قربا من الصخور التي علي جانب
الشاطيء حيث ابتلت قدمه بالمياه حتي ركبتيه محاولا
الوصول الي تلك الفتاه .

ظل يسير بين الصخور ويصعد من فوقها حتي تمكن من
رؤيتها وقام بالنداء عليها .

- يانسة يانسة .

بلا فائدة .

- يانسة الي بتعمليه دة غلط انتي كدة ممكن تموتي .

ايضا لم تجيب عليه وظلت واقفه اعلي الصخور . حتي

قرر ان يصعد لها بنفسه ويمسكها ظنا انها قد تكون ثلما .

الان هو اقترب منها كثيرا حتي انه يستطيع ان يمسك بها

-يابتي حرام الي بتعمليه دة تعبتيني معاكى

-يقول امير...مسكت ايدها لقيتها دافية اوي بالرغم اننا

في عز الشتا وكانت ساكئة مبتكلمش ولما شوفت وجهها

لقيت

عينها حمرا من كثر البكاء ولقيتها سمرا يسقط من عينها
الدمع ممزوج بالكحل الاسود كانها فرعونية فضلت
باصصر في عينها كثير وانا ساكت مش عارف اتكلم واقول
ايه اول مرة اتحط في موقف بالشكل دة.

-انتي اسمك ايه قال امير .

والان تحدثت ذات الوجه الفرعوني .

- بسنت .

-ايه يابسنت مالك ؟ ايه الي انتي عايزة تعمله دة ؟

قال امير ..

تصمت بسنت .

- انتي عايزة تنتحري اتكلمي علي فكرة انا دكتور نفسي

واقدر اساعدك .

تبكي بسنت تبكي بكاء شديد كانها ظلت جامدة وصلبة
وقوية حتي جاء من يعاملها بلطف ولا ينهرها مما فعلت
فبكت امامة . انتم تعلمون ان في مثل هذه المواقف يحتاج
الانسان الي من يحن عليه ويسمعه من قلبه اكثر من من يعاقبه

اخرا وليس اخيرا _____

وينهره بشدة وهذا ما فعله الطبيب امير فقد مسك بيدها
وطلب منها الهدوء .

- اهدي طيب ممكن تهدي علشان خاطري يابنتي الدنيا
مش مستاهلة كل دة .

- لا مستاهلة والله العظيم مستاهلة ردت بسنت

- لية لية مستاهلة لية وعلشان مين .. علشان حد؟ يابنتي
اصعب حاجة ممكن يعملها الانسان في التانى مش بس انه
يخسره دنيتة لا انه كمان يخسره اخرته حرام علشان ايه
كل دة؟

- تعبت والله العظيم تعبت وعايزة ارواح لربنا هو احن عليا
من أي حد وحتى لو هيدخلني جهنم انا راضية بحكمة الي
اكيد احن عليا من حكم البشر . قالت بسنت ..

ينظر لها امير باستغراب ؟

- ايه يابسنت الكلام الكبير الي بسمعه دة في ايه؟

مالك انتي ايه حكايتك بالظبط . تستمر بسنت في البكاء .

- طب تعالي معايا ننزل من علي الصخور دي لانموت

احنا

الاثنين واحكيلى كل حاجة .

يمسكها امير من يدها ويمشى معها ببطىء حتى لا تنزل
قدميهما وينزل بها الى الاسفل.....ثم يجلسان علي صخرة
كبيرة علي الشاطيء....والان تتكلم.

- عايز تعرف ايه؟ قالت بسنت .

- هو مات وسابك ولا عايش وانتي سبتيه؟ قال امير .

- لا هو عايش حياته عادي ولا يفرق معاه وانا الي موت

-ازاي

-كان كل حاجة حلوة في حياتي اصلا هو كان كل حياتي
كان حبيبي اوى اوى اكثر مما تتخيل .. كنت باكل وبشرب
وبذاكر بس علشانه ..كانت ماينا قصة حب كبيرة كانت كل
يوم بتكبر حاجة كدة زى الافلام ..حبنى اوى وحبتيه اوى
كان بالنسبة لي الشخص المثالي الي مفيش زيه بنتحر علشان
عارفة ومتاكدة انى عمرى ماحببت ولا هحب غيره .

-وبعدين قال امير .

-بس مافيش بعدين كل شىء راح سبتة وسبت كل حاجة
حلوة معاه .

تبكى بسنت بشدة .

- طب اهدى اهدى معلى حقا عليا انا .. قال امير .

- تعبانة اوى اوى

يظل كلا من بسنت وامير ساكتين صامتين تظهر على
وجوههم الحسرة والندم . الصوت الوحيد المسموع هو
صوت اصطدام الامواج بالصخور... ثم تحدث امير وقال :

-عارفة انا كنت دايمًا مقتنع بان فى قصة الحب البنت دايمًا

بتحب اكثر من الولد بس النهاردة اتأكدت .. انا كمان
حييت طبعا مش هعمل زى ماالناس بيعملوا وهقولك حييت
اكتر مانتى حيتى واتالمت اكثر مانتى اتالمتى... لا
طبعا... بس حييت وخسرت الى حبيتها وزعلت اوى وندمت
ولحد اخر لحظة كنت عايز ارجعها واتاسف لها واقول لها
حقك عليا بس مكانش ينفع لانها هى الى كانت غلطانة
وانا كرامتى فوق كل شىء .. بس كملت عارفة لية؟

- لية؟ قالت بسنت .

- علشان انا اكتشفت انى خسرت قصة جميلة اوى فى حياتى بس مش كل حياتى هودة السبب الى خلانى اكمل

كملت علشان نفسى يابسنت مش علشان اى حد ..

انتى كمان لازم تكملى برضو علشان نفسك مش تنهى حياتك بسهولة كدة تغضبى ربك وتخسرى حياتك ..

- تفتكر؟

قال امير :

- طبعا... الجرح بيشفى والله العظيم بيشفى بيفضل ينزف لحد

ما بيطيب لازم نكمل علشان بكر فى حاجات كتير اوى مستنيانة احلام وطموحات واهداف هو يعنى ربنا هيصتقصدنا احنا بالذات لية؟؟ زى ماياخذ منا بيدينا... ربنا عز وجل ما بيكسفش حد ومايقولش لحد لا ابداهما كانت الظروف والاسباب... لما بتمنى حاجة ربنا عز وجل بيكون عنده ٣ ردود.. اولا بيحققك الحاجة دى ... ثانيا بيحققك الحاجة دى بس بعد فترة من طلبك ليه ثالثا

بيقولك عندي ليكى حاجة احسن من الحاجة الى طلبتيها او
الحاجة الى طلبتيها دي مش كويسة ليكى هديكى حاجة
بدلها ممكن يكون الشخص دة مش كويس ليكى او
كويس بس ربنا عايزلك الاحسن .

انما عمرة مايقول لحد لا ابدأ بس لازم انتى تقربى من
ربنا على قد ماتقدرى وتقوى وتحسنى علاقتك بيه مش
تنتحرى .

- هو كان حلمى وهدفى الوحيد .. ردت بسنت

- وماتحققش هفضل زعلانين عليه ولا نحلم بغيره

(حلم ضاع احلمى بغيره) ابتدى بداية جديدة ولو عايزة
تعرفى ازاي اقولك ازاي بس الاهم ان يكون عندك استعداد
لدة ... الدنيا رحلة كبيرة ويا ما هتشوفى فيها انتى بس الى لسة
جرحك بينزف ووجعك وانا حاسس بيكى والله حاسس
بيكى بس الايام بتداوى وبتشفى كل الى انا طالبه منك انك
تسيبى نفسك للايام وهى هتخففك وبتعلمك حاجات كتير
اوى جربى حاجة جديدة سافرى لمكان جديد اتعلمى
لغة جديدة اتعلمى طبخة جديدة قصى شعرك اعملى منظر

جديد حطى قدامك هدف وقولى لنفسك انا هحققه (النجاح بينسى الى فات) وانا شايف قدامى بنت قوية فيها حاجة جميلة . دورى عليها . انسى الاغنية الى بتزن فى ودنك لما بتفتكره وحطى بدلها اغنية تانية سريعة... طول ما انتى بتصحى كل يوم من نومك بتسرحى شعرك وتحطى مكياجك وتلبسى وتتجهزى يبقى ماتقلقش على نفسك ... واجهى العالم بكل قوتك .

.. وكان ذلك جواب امير ... ظل الطيب يحدثها عن جمال الحياه والقوة الداخلية للفرد التى اعطاها الله لنا .. نحن نعلم ان امير ليست من واجباته ان يتكلم عن كل هذا كان من الممكن ان ينقذها فقط ولكنه استغل فرصة مهنته كطبيب نفسى وقام باعطائها بعض النصائح لكى تعمل بها .. مجرد نصائح حياتية .. فقط لكى لاتحاول الانتحار مرة اخرى .

ظلت بسنت تستمع له ولاحاديثه عن الامل والتفاؤل وهى مبتسمة ابتسامة خافتة لاحظها امير وظن انه نجح فى اقناعها بان تستمر فى الحياة وتواجهها ... ولكن حدث شىء لم يكن فى الحسبان .. شىء لم يتوقعة امير .

اخرا وليس اخيرا _____

- كلامك جميل جميل اوى بس ياخسارة.... قالت
بسنت .

- ياخسارة لية طول ما انتى عايشة على وش الدنيا ولسة
بتتنفسى متقوليش الكلمة دى ابدا.... الحياة حلوة....
-...الحياة...-

صمتت بسنت لفترة وامير يتحدث معها ثم بعد ذلك
لاحظ سكوتها واستغرب قليلا .

- بسنت.... بسنت

لم تجيب ظلت جالسة على الصخرة بجانبه وعيناها
مفتوحتين ولكنها ساكنة مثل الصنم.... استمر امير بالنداء
عليها ولكن... بلا فائدة... ثم بعد ذلك لاحظ شىء فضى
لامع يسقط من يدها فى الماء وعندما امسك به وجدده شريط
دواء فارغ... الان فزع امير.

- ياريتنى كنت عرفتك من زمان هذة اخر كلمات قد
نطقتها بسنت ثم مالت بجسدها وكانت ستسقط فى الماء لولا
ان مسكها امير .

- بسنت بسنت ردى عليا بسنت

حاول ان يوقظها امير بكل الطرق لكن لم تجيب . الان
عرفتم انها قبل ان ياتيها امير وينقذها ويتحدث معها كانت
قد ابتلعت شريط الدواء وكانت تنوى ان تلقى بنفسها من
اعلى الصخور... انتحار كامل....

بعد فترة وعند الفجر وشروق الشمس حملت سيارة
الاسعاف بسنت ومعها اهلها وظل امير واقفا في الشارع امام
السيارة التي تسير بسرعة نجاه بروحها ...

احنا اتقابلنا قبل كدة ؟

اكتر ما يجعل الانسان اكثر حزنا والما هو رجوعه للوراء بعد اتخاذه قرارا بالسير متقدما . وان بعدما يعتقد ان مشاكلة قد حلت يجد انه لم يرى شيئا من متاعب ومصاعب الحياة ... فالانسان معرض للذكريات المؤلمة وعندما يحاول نسيانها ومحوها تظهر له مصاعب جديدة ... يمكن ان يتغلب عليها ولكن تظل راسخة في الذاكرة . وهذا ما حدث لصديقنا الطيب الذى شعر بالحزن والحسرة مما حدث مع بسنت وقصة انتحارها مما جعله يمد فترة اقامته بالاسكندرية يومين ظل فيهما منعزل عن العالم الخارجى حابسا نفسه فى غرفته بالشالية المطل على البحر ياكل قليلا وينام كثيرا .

واخذ يسال نفسه عدة اسئلة فى الحقيقة لم يجد لها اى تفسير ... هل من السهل على الانسان ان يقتل نفسه ؟ هل من السهل على الانسان ان يضحى بما يملك من مبادئ وقيم و افكار ومعتقدات وينهى كل ذلك ؟ هل بهذه السهولة يتخلى الانسان عن اهله واقاربه واصدقائه ام ان خسراتهم سبب من اسباب الانتحار ؟ وهل يعتقد الانسان ان ماسيحل به من الم

الموت وعذاب القبر وغضب الاله سيكون اخف مما كان عليه من مجرد مشاكل حياتية ؟ ام انه يعلم ذلك ومع كل هذا يريد تجربة الانتحار التجربة التي لارجوع فيها . تعجب امير من كثرة حالات الانتحار التي شهدت فى الفترة الاخيرة بين الناس وخاصة المراهقين وتعجب ايضا من كثرة حالات المرضى لديه الذين ابلغوه بتفكيرهم بالانتحار ومنهم من اخبره بقراره بالانتحار ولم يسمع عنه اى شىء بعد ذلك .

واكثر ما احزنه هو انتحار الفتاه التى شبهها بالفرعونية... بسنت... الذى كان يتمنى ان يعرف عنها الاكثر والاكثر حتى يستطيع ايجاد الحلول لها وكان يستخسر فيها الموت ويلومها على هذا الفعل... فانها كانت شديدة الجمال كزهرة قطفت مبكرا اما عن هذه الحادثة ليلة راس السنة ففى الحقيقة تشاءم امير من هذا العام وتمنى الا يحدث معه هذا الموقف مرة اخرى . قضت عطلة امير فى الاسكندرية ثم عاد بعدها الى القاهرة ليفتح عيادته ويمارس عمله ذهب الى بيته وقام بتنظيفه وفتح النوافذ المطلة على الشارع بما فيه من ضوضاء واصوات السيارات المزعجة ثم قام بالاستحمام بالماء الدافىء لمدة حتى يستريح قليلا من تعب السفر .

فتح امير حاسبه واخذ يتصفح البريد الوارد له من مساعده في العيادة ليعرف عدد الحالات المراد الكشف لها... يتناول كوبا من الشاي الاخضر .. يذهب امير الى عيادته كل يوم (ثلاثاء) نظرا لانشغاله باعماله في المستشفى والمصححة النفسية. عندما انتهى امير من قراءة البريد قام بارتداء ملابسه الفاخرة واخذ سيارته وذهب الى بيت والده .

اعرفكم الان بجراح القلب المشهور الدكتور (عبد الله سليم) انه يشبه ابنه كثيرا.... فهو ايضا طبيب مشهور لديه العديد من الابحاث العلمية في مجال جراحة القلب... يميل للعزلة والانفراد يقضى معظم وقته في قراءة الكتب والجرائد والعمل ولكنه اكثر انضباطا وتحكما في النفس من امير . هو الان جالساً في صالون بيته مندمج في قراءة كتاب...المجازات الاكلينية الشريانية... حتى رن جرس الباب و عندما فتح وجده امير .

- امير حبيبي ازيك .. قال عبد الله

- ازيك ياابا عامل ايه ؟ قال امير

- تمام الحمد لله ..اتفضل اتفضل . يدخل امير ووالده الى

الصالون .

- انتا رجعت من اسكندرية امتى ؟ قال عبد الله

- لسة راجع النهاردة .

- حيبى ... اعملك شاي ؟

- هو انا غريب ؟ مانا دايمما الى بعمله فى المطبخ . رد

امير .

- حيبى .. واحسنى والله . كانت العلاقة بين امير ووالده علاقة قوية تجمعها الحب والموودة كانهما اصدقاء ليس اب وابنه .. فا عبد الله كان مرتبط بابنه كثيرا وكان يحبه هو وزوجته (يسرا) ولكنه انفصل عن زوجته بعد زواج استمر عدة سنوات انجبا فيها امير وبعد ذلك تزوجت (يسرا) من رجل الاعمال (مدحت الزغبى) وانجبا .. فهد ومن شدة حب عبد الله ل يسرا لم يفكر فى الزواج من بعدها حيث كانت علاقتهما حب من طرف واحد وتفرغ لعمله فى مجال الطب . صب امير الشاي ثم بعد ذلك جلس مع والده وحكى له ما حدث له اثناء عطلته وعلاقته بالفتاه الفرعونية .. بسنت .. وقصة انتحارها .

- دة شىء عجيب .. قال عبد الله .
- والله العظيم هو دة الى حصل ياوالدى .
- طب انت ما ركبتش معاها عربية الاسعاف وروحت
المستشفى؟ تسائل عبد الله .
- اهلها كانوا معاها .. خفت اقرب منهم لا يهتمونى انى
عملت فيها حاجة خصوصا ان الجو ماكنش جو انتحار ابدا
... دى كانت حفلة .
- طب انت ما حولتش تعرف اسم الدوا الى كان معاها؟
- لا هو هيفرق؟ قال امير .
- طبعا... فى انواع ادوية لو اتاخذت بكميات كبيرة
والدكاترة لحقوها .. ممكن تعيش وانواع تانى ... لا .
- والله انا تعبان جدا من يوم الحادثة دى ومش عارف
افكر ... ورد عليا حالات انتحار كثيرة بس مش بالشكل دة .
- والله يابنى امر عجيب فعلا ولكن انت عملت الى تقدر
علية وحاولت اقناعها بالاستمرار فى الحياة بس هى اختارت
الموت .

- لو كنت لحقتها قبل ما تاخذ شريط الدواء كان زمنها عايشة . قال امير ...

- دى حاجة بتاعت ربنا يابنى كمان انا مقدرش اوجه لها اللوم لان ممكن يكون فيه اسباب كتير للانتحار دة مش بس حبيها ... قصدى يعنى تراكمات وضغوطات كبيرة ممكن الانسان مايستحملهاش . وبعد مده من الحديث نصحه والده بان يترك امر التفكير فى تلك الفتاه وما سوف يحدث لها ونصحه بالرجوع الى عمله وانشغاله به وكان شيئا لم يحدث . وهذا ما فعله صاحبنا امير من قبل ... ولكنه قرر ايضا ان ذلك الوقت وامير منشغلا بعمله ... يزداد خبرة يوما بعد يوم ويمحو الماضى من ذاكرته .

- بس يادكتور مراتى كانت هتنتحر .. حاولت تنظ من بلكونه الفيلا وتنزل فى البسين ... بس انا لحقتها قبل ماتغرق .

- طيب ياابنى دة عمل عظيم ربنا يحميها ويديها العمر الطويل . قال امير ..

- لا يادكتور ... ما تانى يوم لقوها مشنوقة .

- ربنا يرحمها ياابنى ويرحمنا كلنا المهم اهلك

جايبينك تتعالج عندى لية؟؟

- الله مانا الى شنقتها يادكتور..... امال عايزنى اسببها
مبلولة؟؟؟ يصمت امير قليلا ...

- طيب انا هكتبلك على علاج كويس واشوفك يوم
الاستشارة . بعد مدة تاتي له المساعدة ريهام .

- فى حالات تانية يا بنتى انا خلاص محتاج ارواح لدكتور
نفسى .

- اخر حالة يادكتور وبعد كدة خلاص .. قالت ريهام .

- طب دخلها .

- حاضر . تدخل فتاه ومعها والدتها يبدو عليهم الحزن
والتوتر ثم يجلسان امام امير .

- خير يا امى ؟ قال امير .

- والله يادكتور انا مش عارفة اقول لحضرتك اية ؟ بنتى
تعبانة اوى وانا خلاص مش قادرة استحمل .

- لية ؟ خير فى اية مالها ؟ ماهى زى القمر اهى .

- هى كانت عايزة تتكلم مع حضرتك شوية .. قالت الام

- طب ممكن تسيينا مع بعض ندردش شوية ؟
- حاضر .. حاضر .. تخرج الوالدة
- هو القمر يطلع بليل ؟؟؟ ههههه شوفتى حتى مش عارف اعاكس ... المهم مالك ؟ فى اية ؟
- اة صحيح اسمك اية ؟
- هو احنا اتقابلنا قبل كدة ؟

نركسوس

نظرت له الفتاة ... ثم اندهش امير بشدة لم يكن يتوقع هذا.

- اسمى بسنت يادكتور لا انه ليس تشابه اسماء

انها فى الحقيقة بسنت ذات الوجه الفرعونى انها مازالت على قيد الحياة ولكن هل يمكن للقدر ان يتغير؟ بالطبع نعم لان رحمة الله اقوى من كل شىء على وجه الارض ... ان الله عز وجل لم يخلقنا ثم ينتظر ان نرتكب خطأ ويقوم بحسابنا عليه لا الله تعالى ايضا يساعدنا فى التوبة ويفتح لنا ابواب الخير وصفحات السعادة ويساعدنا ان نبدا بدايات جديدة ... لا تياس ابدا من النهاية فربما يكن جزء ثانى من قصتك . وهذا ما حدث مع بسنت ان الله اراد لها الحياة مرة اخرى لكى تكملها فتم انقاذها من قبل الاطباء وتعافت جسديا ولكن نفسيا لا ظل امير ينظر اليها لبضع ثوانى وهو مندهش وسعيد ولكنه كان دائما مؤمن بان (فى عز فرحك خليك واثق من نفسك).

- خير يابنت ؟ ايه المشكلة؟ قال امير .

قصت له بسنت ما قالت له من قبل ...

- وحاولتى تتحرى وربنا كتبلك عمر جديد.. صح ؟

- اه ... عرفت مينين؟

- مش انا قولت لك قبل كدة ان ربنا مش هيصتقصدنا
احنا بالذات وانه زى ما بياخد منا بيدينا . ظلت بسنت تنظر
الى الطيب بشدة ثم قالت :

- هو انت ؟

- امير اسمى امير اصل نسيت اعرفك باسمى يابنت .
صمتت بسنت قليلا ثم بكت ... ليس الجميل في المرأة
شعرها او عيناها او جسدها او اهلها انما الجميل بها انها
تستطيع البكاء عندما تحزن .

نهض امير من على كرسيه واتجه نحوها وجلس على
الكرسي المقابل لها .

- وقلت لى برضو طول ما انتى بتصحى كل يوم من نومك
بتسرحى شعرك وتحطى مكياجك وتلبسى يبقى ماتقلقيش

على نفسك . قالت بسنت

- صح . قال امير

ابتسمت بسنت وقام امير بمسح دموعها بيده .

- واية الاخبار دلوقتي يا بسونة ؟

- اول ما صحيت من الغيوبة عرفت ان ربنا كتبلى

حياة جديدة حمدت ربنا كتير اوى وافكرت كل حاجة انت

قولتها وحطيت قدامى هدف انى احققه . فقربت من ربنا

وفتحت مع نفسى صفحة جديدة وقررت انى اتعالج

واخف وارجع احسن من الاول بس .

- يظهر ان اقدارنا مرتبطة ببعض . قال امير

- يظهر كدة فعلا . قالت بسنت

- الا قوللى انتى برج اية ؟ قال امير

- ردت بسنت .. العقرب .

- اية دة ؟ انا كمان برج الحمل؟؟؟ تضحك بسنت وامير

بشدة واستمر حديثهم لوقت طويل . الان مساعدة امير

.. ريهام .. نائمة على مكتبها فى حجرة الاستقبال ووالده

بسنت تنظر فى ساعتها .

- لو سمحتى يانسة تستيقظ ريهام .

- نعم

- هو الدكتور متعود يتاخر كدة مع الحالات ؟

- هو بيطول مع الحالات الى اول مرة تيجى . بس

بصراحة المرة دى اتاخر اوى .

- هشوفك تانى ؟ قال امير

- انتا الى بتحدد ميعاد الاستشارة يادكتور . قالت بسنت

- خلاص يبقى تعالى الاسبوع الجاى فى نفس المعاد

وياريت تيجى متاخر .

- ماشى سلام .

ظل امير يحاور نفسه بعدة اسئلة لم يجد لها اى تفسير مرة

اخري ... ولكن هذة المرة كانت الايجابية والتفاؤلات

تسيطر عليه .

- وبعدين يا امير ؟ انتا حبيتها ولا اية ؟ انتا هتحب واحدة

مجنونة كانت هتتحر ؟ وانت دكتور نفسى عندك قيم

ومبادئ وبتكلم بالمنطق؟ طب والمعايير والمقاييس الى حاططها في دماغك لشريكة حياتك؟ دى مختلفة تماما عنها.

- طب اية الحل؟ الان بعضكم متشوق ان يعرف ماسيحدث بين بسنت وامير وما مصير العلاقة بينهم ولكن انا سوف انقلكم الى جزء اخر من الرواية لاتقل اهمية ... كان هناك شاب شديد الوسامة اعشقتة حورية لعينة وحاولت اغرائة بشتى الطرق ولكن بلا فائدة ... غضبت الحورية وقررت معاقبة هذا الشاب فاستدرجته ليرى انعكاس صورته في بركة ماء وبعدها وقع في حب نفسه وتعسر عليه حب اى امرأة اخرى. بعض الناس يقولون انها قصة اغريقية خيالية... ولكن النظرية تكمن في انه عندما يصاب الانسان بالغرور وحب النفس وحب الاستحواذ وتملك الاخرين يكون مصيره... الموت ... وسمى ذلك الدافع بعقدة النرجسية ... نسبة الى نرجس (الشاب الوسيم) او ما يدعى ب نركسوس وهذا الدافع كان يمتلكه الشاب احد ابطال هذة الرواية وهو ...فهد... ذلك الشخص الذى انصحك بالابتعاد عنه ... لاتضحك ولا تطمئن فايضا كن حذرا عند قراءة تفاصيل شخصيته واسلوب حياته .

لقد تحدثنا عنه سابقا وقلت لكم انه صاحب الازطاء
والزلات ولا يجب ان نقتدى به ... فهو شخصية اعتمادية
..... ينفقا عليه والده ووالدته وبالرغم من ذلك لا يشعر باى
نوع من المسؤولية يحب نفسه كثيرا متكبرا ولا يتعاطف مع
الناس ويحب التسلط . وتملك الاخرين وخاصة الفتيات
ويستغلهم دائما فى الحصول على ما يريد ودائما يقلل من
شان الجميع فانه يشعر بانه اكثر اهمية واستحقاقا من غيره
..... شخصية نرجسية..... مثل نركسوس الذى ذكر فى
السابق . هو الان منسجم للغاية ... نعم انه يستحم او
بالمعنى الاصح ... يغتسل ... يحب فهد عادة ان يطيل
الاستحمام بالماء البارد فهو يكثر التفكير اثناء ذلك ... وايضا
يحب النظر الى نفسه بشدة امام مرآة الحمام ... الى وجهه
الوسيم ... الى شعره الاسود او الى ... عضلات جسده . عند
خروجه من الحمام الزجاجى المكشوف كانت هناك فتاه
نائمة على السرير فى الغرفة .

- كل دة .

- معلىش .. قال فهد . تنهض الفتاه او (هند) ... انصحكم

بعدم نسيان ذلك الاسم ... من على السرير وتتجه نحوه .

- احلقلق دقنك ؟

- لا مش هحلق . رد فهد

- جعان ؟ قالت هند

- هاكل برة . رد فهد

- هتمشى بدرى كدة ؟

- اة سلام . يرتدى فهد ملابسه ثم يتركها يركب

دراجته النارية الفخمة ويطير ملهى ليلي كبير مشتعل

باغنية (on the floor) يدخل فهد به ولا يستطيع السير من

رقص الشباب والفتيات ثم يجلس على البار ويطلب مشروبه

المفضل .

- Chateau d'Yquem من فضلك .

تبدو عليه علامات الغضب الشديد ثم ياتى له

صديقة (رامى) الذى يخفف عنه اوجاعه .

- كدة تشرب من غيرى ... قال رامى .

- تعبان اوى . قال فهد

- ياعم انساها بقى هى يعنى اول بنت تسييها . قال رامى

- انا اسيب لكن ماتسبش .

- بكراتحب غيرها .

- مستحيل . اما عن امير فاقترب من بسنت يوما بعد يوم

بحجة معالجتها وبدا بزيارتها فى بيتها مع والدتها حيث رحبت

به بعد معرفتها انه حاول انقاذا بنتها من الغرق والاقدمات .

علم امير انه احب بسنت حبا شديدا وشعر ايضا انها تشعر

بشئء تجاهه وكثرت بينهم الاحاديث والكلام ثم بعد

ذلك عرض عليها ان تذهب معه الى الاسكندرية ... مكان

لقائهم... حتى يقترب منها اكثر ويعترف بحبه لها

فسافرت ومعها والدتها .

- لية جبتنى هنا ؟ قالت بسنت

- علشان المكان دة بحب اروحة كل فترة وخصوصا فى

الشتاء بيبقى جميل وكمان ليه عندى ذكريات كتيرة اوى

.. قال امير .

- ذكريات حلوة ؟ قالت بسنت

- والله فيها الحلوة ... والوحشة .
- يعنى ايه ؟
- هتعبك من الكلام .
- لا عادى اتكلم .
- اصل انا من حوالى ستتين كنت خاطب بنت وجبتها
المكان دة بس ماحصلش نصيب .
- اسمها اية ؟ قالت بسنت
- حنان . قال امير
- اسمها حلو ... لية مكملتوش مع بعض ؟
- يعنى ... اختلفنا مين هييجيب مولد الكهربا .
- يارخم . يضحكان سويا
- انا كمان بابا الله يرحمه كان بيحب اسكندرية اوى وقبل
مايموت اشترى لنا الشالية الجميل الى على البحر دة .
- وحشك ؟ قال امير
- اوى ... كان كل حاجة فى حياتى واتعلمت منه حاجات

كثير ملاقتش حد حنين زيبه . ردت بسنت

- ربنا يرحمة وان شاء الله تلاقى حد فى حنيتة . كانت بسنت تميل الى من يحن عليها ويحبها وتشعر معه بالامان اكثر من من يعاتبها ويوجه لها اللوم ويتعامل معها بالعقل والمنطق.. وهذه نقطة استغلها امير فى علاقتهما رغم عكس شخصيته فى الحقيقة ... ولكنه غضب عندما قالت انها تشعر ان الله قد ظلمها فى عدة امور .

- لية يابسنت بتقولى كدة ؟

- خد منى حاجات كتير اوى ؟ يصمت امير قليلا وهو ينظر لها ثم قال

- ربنا يابسنت ما بيظلمش حد ربنا عز وجل اسمة ((العدل)) هو مش عادل ولا يطبق العدل بشدة .. دة هو العدل نفسه وقولتلك قبل كدة انه زى ماياخذ مننا ... بيدينا كتير اوى بس احنا دائما بننسى النعم الى ربنا منحها لينا ... اما عن اختلاف الناس والمجتمعات فدة بسبب امور دينية وعقلية واجتماعية وثقافية وغيرها كتير ... كمان ممكن يكون ظلمنا لانفسنا باخطائنا سبب بعد عننا الحاجات

الجميلة .

- صح .

- اوعى تياسى من رحمة ربنا ولا من نفسك ابدا . قال امير

- حاضر ... حاضر يادكتور.

- ماقولنا بلاش يادكتور دى .

- اصل كلامك جميل اوى .. منطقى وصعب بس بتقوله بسلاسة وبساطة . قالت بسنت

- بقوله بالطريقة الى تفهمينى بيها . واثناء حديثهما الطويل عن الافكار والمبادئ والحياة ومحاولة اثبات امير نفسه لبسنت مر على الشاطىء بائع الايس كريم (عم حسن) ..

- تعالى نشترى ايس كريم . قال امير

- فى الشتاء ؟ انت مجنون ؟ ردت بسنت

- تعالى بس . يشترى ان امير وبسنت الايس كريم من (عم حسن) ويتكلم معه قليلا ثم اعطى له ثمن الايس كريم .

- انت تعرفه ؟

- عم حسن دة حيبى دايمما بجيب منه وايام
خطوبتى كنت مقضيها ايس كريم مع حنان .

- بس دلوقتى صعب وممكن يتعبك .

- يا ستى محدش ييموت من الايس كريم ... اصل عم
حسن دة راجل غلبان رزقة بس عالاييس كريم بيبيعة فى
الصيف والشتاء فاقولت نشترى منه . ظل امير وبسنت يتناولوا
الاييس كريم اللذيذ ويتحدثان الى وقت طويل وهم امام
شاطىء بحر الاسكندرية حتى جاء وقت غروب الشمس .

- لازم اروح ... قالت بسنت

- لية ؟ لسة بدرى ؟

- لسة بدرى اية دى الشمس بتغرب وكمان الدنيا ممكن
تمطر زمان ماما قلقانة عليا .

- والله ماما دى فيها الخير ... سابتنا كثير مع بعض .

- ماهى عارفة انك الدكتور بتاعى وكمان الحمد لله
اتحسنت على ايدك كثير . ردت بسنت

اخرا وليس اخيرا _____

- الحمد لله

- معلش بقى . صمت امير قليلا ووجهه الى الاسفل ثم

قال

- بسنت .. ممكن اقولك على حاجة؟

- اكيد قول؟ فى هذة اللحظة نظر امير الى بسنت بشدة ثم

مسك يدها وقال لها :

- انا بحبك اوى تتجوزينى؟؟

انت وطنى

بعد يومين عاد كلا من بسنت وامير الى القاهرة وفى هذه العودة بدا امير ان يتجهز لزواجه من الفتاه الفرعونية وقرر ان يخبر والديه بذلك ولكن قبل ذلك لابد ان يعرف رد بسنت من زواجه منها . مرت عدة ايام باشر امير فيها عمله بالقاهرة وانشغل بعدة حالات من المرضى وفيها ايضا بدأت بسنت فى التفكير فى طلب امير لها رغم ان النتيجة كانت محسومة بالنسبة لها . امير الان على موعد غرامى جميل بفتاه الاسكندرية بسنت فى مطعم فخم امام النيل .. وقت الظهيرة ... ظل امير جالسا على الطاولة المحجوزة لهما فقط منتظر وصولها بفارغ الصبر . وبعد وقت وصلت الفتاة فعمت البسمة على وجه امير .

- اخيرا . قال امير

- معلىش الطريق كان زحمة . قالت بسنت وهى تجلس على الطاولة .

- تحبى تشربى حاجة قبل الاكل ؟

- ياريت .
- حاضر . طلب امير المشروب واخذا يتحدثان معا .
- بصراحة انا جايبك هنا علشان اكلمك فى موضوع كنت كلمتك فيه قبل كدة .
- تمام قول .
- بالنسبة للموضوع الى اتكلمنا فيه فى اسكندرية وقولتيلى هاقولك لما نرجع مصر ... ايه الاخبار ؟
- قالت بسنت : انت انقذت حياتى مرتين مع بعض .. لو كنت سبتنى كان زمانى ميتة فى البحر ومحدش كان هيلحقنى ولا كنت هلحق حتى اروح مستشفى ... كمان لو كنت روحت المستشفى وصحيت من الموت من غير ما افكر كلامك الى قولته واحنا على الصخر كنت هحاول اموت نفسى مرة تانية . انما انت خلتنى ابدا بداية جديدة وانسى كل الى فات بسبب كلامك الحلو عن الحياة وعن ربنا .
- وبعدين . قال امير
- بس انا مش مستعدة ادمرك حياتك . قالت بسنت

- تدمرى حياتى ؟ ليه ؟

- امير . انتا هتتجوز من واحدة كانت عايزة تتحرفى فى يوم
من الايام وكانت بتحب واحد قبلك .

- وايه يعنى ؟ رد امير

- دة عادى بالنسبالك ؟

- اة طبعا عادى .. مانا كمان كنت بحب واحدة قبلك
ومحصلش نصيب . تصمت بسنت قليلا .

- بسنت انا فكرت فى الموضوع دة كتير من قبل ما اطلب
منك الزواج .. انا بحبك بجد وعمر ما الحادثة الى حصلت
دى هتاثر على حياتنا بعد كدة لان كل واحد عنده هموم
ومشاكل وممكن يفكر فى الانتحار دة مش معناه انك مجنونة
بعد الشردة معناه انك اتحملتى زيادة فوق طاقتك وانا
عايزك بكل تفاصيلك بحلوك وبمرك ومستعد اكمل معاكى
بقيت حياتى . قال امير

- يعنى انت بجد بتحبينى ؟ قالت بسنت

- والله العظيم بحبك وهقولها مرة تانية . بسنت انا

بحبك وعايز اتجوزك .

- طالما الصفحة الجديدة الى فتحتها انت اولها

يبقى هتكمل بيك . قالت بسنت

- يعنى اية ؟ تسائل امير

- يعنى انا كمان بحبك يا امير .

- بتتكلمى بجد ؟

- اه بجد .

- صدقيني يابسنت والله العظيم مش هخلي عينيكى تدمع

او تبكى تانى غير من الفرحة بس . قال امير

- ربنا يخليك .

- ريخليكى ليا يا حبيبتى ...

بعد اطمئنان امير بان بسنت تحبه وتبادلته نفس الشعور قرر

الزواج منها والتحصير لذلك ولكن وقفت امامه عاقبة كبيرة

تقل اهمية عن ما سيحدث لامير وبسنت من مصائب .

والعاقبة كانت والدته (يسرا) حيث كان يجب ان يخبرها

بقصة حبه بالفتاه الفرعونية ولكن العلاقة بين امير ووالدته

كانت (علاقة قلقة) يتخللها العديد من المشاكل والصعوبات ... وذلك بعد زواجها من رجل الاعمال الشهير (مدحت الزغبى) حيث كان يعامله معاملة سيئة وقاسية منذ ان كان صغير ... وكان يفضل ولده فهد عنه بكثير . فكان امير ضحية مدحت وشقيقه فهد ... وعندما كبر قرر ان يتركهما ويعيش مع والده.... وبعد ان تخرج وعمل كطبيب عاش فى بيته بالقاهرة وحيدا . اعرفكم الان بالسيدة (يسرا) التى يشبهها الكثير من سيدات المجتمع ... حيث كانت شخصية قوية ومسيطرة تحب دائما المال والسلطة وتبحث فى الرجال عنهم..... ولكنها كانت جاهلة وغير مدركة للمبادئ والقيم الصحيحة والتفكير السليم عكس ابنها .. امير الذى تربى تربية والده ... وسبب الخلاف بينها وبين زوجها السابق (عبد الله) هو انها كانت دائما تركز حول المال واختلف معها الطبيب فى ذلك حيث كان شابا يعتمد على راتب بسيط . كما دخول مدحت فى حياتهما جعلها تطلب الطلاق .

بعد عدة محاولات من والد امير على ابنه بان يذهب الى والدته ويخبرها بقصته مع (بسنت) وكان منطقته فى ذلك هو (بر الوالدين) قرر امير ان يزورها فى قصر زوجها ويتحدث

اخرا وليس اخيرا _____

معها فى هذا الموضوع . هى الان جالسة فى صالون قصرها
الفخم الملىء باللوحات الغالية والانتيكات ... تشرب
القهوة وتدخن السيجار ... ثم دخل عليها امير .

- ازيك ياماما

- ماما؟ ماما بعد خمس شهور معرفش عنك حاجة .
قالت يسرا يصمت امير قليلا قابضا يديه .

- معلش كنت مشغول شوية وسافرت اسكندرية اكر من
مرة .

- ومتصلتش بيا لية؟ هما غلوا مكالمة التليفون وانا
معرفش؟ قالت يسرا

- انتى عارفة انا متصلتش بيكى لية .

- عارفة .. علشان قلة احترامك ليا ولا بوك . قالت يسرا

- قولتلك قبل كدة انا معنديش غير اب واحد وهو
الدكتور عبد الله سليم . رد امير بعصبية

- ماشى ... ماشى يابن الدكتور .. عايز ايه؟ يجلس امير
بجانباها .

- عايز اتكلم معاكى فى موضوع وعايزك تسمعيني للاخر .

- قول يا امير . ثم قص لها امير حكايته مع بسنت من

البداية وبعد ذلك دار بينهم الحوار كالتالى :

- واشمعنى دى يا امير ؟ تسائلت يسرا

- علشان بحبها ياماما . رد امير

- انا ابنى يحب ويتجوز مريضة نفسية كانت بتتعالج

وحاولت تنتحر ؟

- واية يعنى ؟ ... المهم انها دلوقتى كويسة وبكامل وعيها

للحياة .

- هى دى المبادئ والقيم الى ابنى متعلمها ازاي

واحدة زى دى تفتح بيت ولا تربى عيال ؟ . افرد حاولت

تنتحر تانى ولا افكرت عشيقها الاولانى .. الى قررت تخسر

ربنا علشان خسرتة ... مش كفاية العيادة والمستشفى

والمصححة .. كمان لما ترجع بيتك تلاقى واحدة مجنونة

مستنياك .

- ماما من فضلك ماتقوليش مجنونة ... كلنا بييجى علينا

اوقات بنمر بظروف صعبة ومشاكل وبصراحة انا بحبها

وعرضت عليها الزواج .

- تعرض عليها الزواج يا امير من غير ماتقولى ؟ قالت

يسرا

- ماانا قولتلك اهو .

- بعد ايه يا امير ... و لية متتجوزش واحدة ليها عيلة

ونسب ؟ من عليتنا مثلا ؟

- اة قصدك من عيلة الاستاذ مدحت الزغبى مش كدة ؟

- ومالها يابابا العيلة دى ؟ عيلة امك و مليانا وزراء

ورجال اعمال .

- قصدك مليانة فلوس . قال امير

- اتادب واتكلم كويس معايا .

- الخلاصة انا مش هتجوز غير بسنت ودة قرار زى مانتى

زمان خدتى قرار واتجوزتى . قال امير

- كدة .. طب انسى بقى ان ليك ام لو اتجوزت البنت دى

يا امير ... طالما انت هتقارن واحدة مجنونة زى دى بجوز

امك الكبير .

- يعنى دة اخر كلام عندك ؟

- اه اخر كلام .

- طب انا نسيت انى عندى ام سلام . يتركها امير ويذهب وهو غاضب واندهشت يسرا من جراءة امير التى تزداد يوما بعد يوم فى بعده عنها وكان امير يعلم نتيجة الحوار مع والدته من قبل ان ييدا .. ولكنه اراد فعل مايجب عليه تجاه والدته حتى لا يشعر بتايب الضمير .. ولكن هل سيندم امير بعد ذلك عن مخالفته لكلام امه ؟ كل مانعرفه الان انه يريد الزواج من بسنت . جعل امير والده هو من يتولى امر زواجه من الفتاة الفرعونية بعد فقدان امل نصر والدته له وبعد محاولات الحاح وتردد خطب امير بسنت خطوبة متواضعة حضرها القليل من العائلتين وكان امير وبسنت فى قمة السعادة .

- كان نفسى اعملك فرح كبير يليق بيكى .. قال امير .

- والله العظيم يا امير انا كدة مبسوطة وكمان احنا مش اول ناس نعمل خطوبة على الضيق .

- بحبك .

- وانا كمان بحبك .
- حلو الخاتم ؟
- تحفة ... بس غالى اوى .
- انتى عندى اغلى منه .
- حيبىي .. سكتت بسنت قليلا اثناء سيرهما على كورنيش النيل ثم قالت :
- حاول تراضى مامتك يا امير انا زعلانة اوى انها مكانتش معانا فى يوم زى دة .
- حاضر هحاول .
- حتى انا ممكن اروح اتكلم معاها اثبتلها انى عاقلة وفاهمة الحياة كويس وممكن تحبنى نفسى اتعرف عليها وعلى اخوك .
- بلاش دلوقتى ... اكيد بعدين هتقابل فى اى مناسبة .
- خلىنا دلوقتى فى اليوم الجميل دة وانسى اى حد .
- حاضر يا حيبىي . يمسك امير يد بسنت كانها هدية غالية يعرف انها سترحل يوما ما الان سانتقل بكم يا اصدقائى

الى جزء اخر فى الرواية لا يقل اهمية عن باقى سير الاحداث
.... كان هناك شاب صعيدى يدعى بايمن يعيش فى حى من
احياء (مصر القديمة) علم بان شقيقته ... هند ... فى علاقة
غير شرعية باحدى الشباب ويدعى . فهد. من خلال فتاه
قررت الانتقام منه بعد علاقة حب من طرف واحد فقرر ايمن
الانتقام منهم والاخذ بالشار كما هى عاداتهم . فبادر اولا
بالانتقام من شقيقته هند (ذلك الاسم الذى نصحتكم بتذكره
سابقا) وقام بقتلها واخفاها عن الجميع ثم بدا بملاحقة فهد
او ما نسميه نحن بنركسوس شقيق امير حتى يقتله ... وعلم
انه يسهر كل يوم الى الصباح بملهى ليلى . خرج فهد من
الملهى بعد الفجر شاربا الكحول واتجه نحو دراجته النارية
ليقودها فتعاقبه ايمن .

- انت تعرف .. هند ..

- انت مين يلا وعائز ايه . قال فهد خرج ايمن من جيبه
سكين وقام بطعن فهد عدة طعنات ثم هرب ..

نهاية صغرى

نقل فهد الى المستشفى اثر تلك الحادثة .. وكتب فى المحضر على انها محاولة سطو وسرقة فاشلة ولم يتبقى سوى اخذ اقوال .. فهد.. ولكن هو تحت العناية المركزة . كان اول الحاضرين الى المستشفى شقيقه امير .. الذى ظل يتابع حالته رغم العلاقة القلقة التى بينهم ... فهو فى الاخرة اخاه ويحبه . وكان يدعى الله بان يشفيه من وجعه خصوصا انه كان ينوى ان يعرفه على خطيبته . سال امير الطبيب عن احوال اخيه واخبره الطبيب ان اخيه اصبح الان بخير وانه سيتم نقله الى غرفة اخرى ويسطيع ان يزوره قريبا . يتحدث امير مع بسنت فى الهاتف :

- ايوه ... وصلتى ... طيب .. الدور الرابع بعد الرسيشن على اليمين ... هتلاقينى واقف عند الاوضة .. سلام . بعد مدة تاتى بسنت الى امير فى المستشفى حاملا باقة ورود وذلك لزيارة فهد للمرة الاولى بعد شفائه .

- ازيك عامل ايه ؟ قالت بسنت

- تمام الحمد لله .

- هو فين ؟

- في الاوضة دى .

- طيب ندخل ؟

- يلا .. دخل كلا من امير وبسنت الى الغرفة التى بها اخيه . ولكن حدث ما لم يتوقعه بعض منكم ظلت بسنت واقفة مندهشة ... صامته مما حدث .

- في ايه يابسنت ماتحطى الورد في اى حته وتسلمى على اخويا .. قال امير سقطت الدمع من عين بسنت ورمت الورد في الارض ثم غادرت الغرفة سريعا في مشهد مؤلم . ما لم يتوقعه بعضكم الان . ان الفتى التى كانت تحبه بسنت من البداية .. وكان حياتها . وحاولت الانتحار بسبب فقدانه لولا تدخل امير هو ... فهد ... ترك امير فهد في غرفته وقام بملاحقة بسنت التى غادرت المستشفى وظل ينظر الى اركان المستشفى عند خروجه املا في رؤيتها ليعرف منها ما حدث ... ولكن بلا فائدة . ركب امير سيارته مسرعا وقرر الذهاب الى بيتها . ظل امير واقف بسيارته امام بيت بسنت لايعرف

ماذا يفعل وما مصير علاقتهما اذا تيقن من ذلك الامر ثم صعد اليهم وطلب من والدتها ان تتركهما على انفراد في غرفتها ليتحدث معها . وجدها مازالت تبكى فاقترب منها ونظر الى عيناها ثم قال :

- ممكن افهم ايه الموضوع ؟ ردت بسنت بيكاء .

- هو هو فهد . صمت امير قليلا ثم قال :

- الى كتنى تعرفيه زمان ؟

- اه .

- ازاي ؟ ازاي بس ؟

- مش عارفة ... ازاي ... مش عارفة ؟ انت ليه ما حكتليش عنه قبل كدة ؟ ده اقدر انسان انا قابلته في حياتي وبسببه كنت هخسر ربنا . قالت بسنت وهي تبكى صمت امير قليلا ثم قال :

- هو عمل فيكى ايه ؟

- نسوانجى بتاع بنات . وعدنى بالجواز وحيته اوى زى ما حكيتلك قبل كدة وكنت هتخطبله لولا بالصدفة عرفت انه

عارف واحدة قابلي وعمل معاها علاقة .

- وعرفتي ازاي ؟ ردت بسنت وهي تبكي .

- شوفت رسايل على تليفونه بينة وبينها .. وقالى دى رسايل قديمة بس ما صدقتوش .

- وعلشان كدة سبتيه ... قال امير .

- كنت هسيبه بس قولت لازم اتأكد ان الشخص دة موجود فى حياته فعلا ولا لا . قال امير بغضب :

- ازاي ؟

- قولتله انى نسيت الموضوع وانى بحبه وهكمل معاها عادى وبقيت اراقبه من بعيد لبعيد لحد ما لقيتوا عارف اكثر من بنت غيرى وبيخرج معاهام وبيسهو فى ديسكوهات وانه انسان مش كويس فبعدت عنه ودخلت فى حالة اكتئاب وحاولت انتحر اكثر من مرة وانت عارف الباقي . صمت كلا من بسنت وامير لفته صغيرة لا يعرفان ماذا يقولان .. ثم قالت بسنت :

- انسانى يا امير وابعد عنى ... انسانى .

- ليه يابست ؟

- مش عايزة مش عايزة حاجة تفكرنى بفهد حتى ولو كنت انت . نظر اليها امير فى غضب ولم يعرف ماذا يقول ثم خرج من غرفتها مسرعا وقفل الباب بشدة . اتى الان لامير الجزء السىء الذى كان خائف منه ... وان اردتم معرفة بماذا يشعر الان ؟ ساقول لكم بانه اصبح فى وضع لا يحسد عليه . وانه اصبح فى حيرة بين اخيه وبست فاما ان يختار ان يبقى مع اخيه فهد ويترك تلك الفتاه ... او يختار الفتاه الفرعونية ويبعد عن شقيقه . ولكن هذا الوضع سيجعله يخسر والدته ايضا الى الابد لانها بالطبع لن تسمح حدوث نزاع بين الاخوين على تلك الفتاه ومع ذلك ظل امير ثابتا ومتماسكا . وناوبه شعور غضب شديد تجاه اخيه بعد معرفته ما حدث لبست بالتفصيل معه . وانها كانت ستتحرر بسبب غدره لها ولكن ترى ماذا سيفعل ؟ ساذكركم الان يااصدقائى بشخص عرفتكم به سابقا وهى احد الاعمدة الهامة فى تلك الرواية ... حنان ... قلت لكم انها كانت حبيبة امير القديمة .. قبل بست . وانها فتاه فى اواخر سن العشرين .. لا تعتبر سيئة ولكنها قوية الى حد ما . لم تنهار او تكتئب

عندما ابتعدت عن امير و فسخ خطوبتهما ولكنها ايضا ظلت مشتاقة له وتعطى له جدير الاحترام والتقدير . الان امير فى عيادته بالمستشفى . اوشك على الانتهاء حيث انه لايبالى بالمرضى الذين ياتون له بالمستشفى للمتابعة عن مرضى العيادة الخارجية الخاصة به تاتى له الممرضة وتعطى له الفايل الخاص بالمريض ... ثم تدخل عليه . حنان .

- ازيك يادكتور ؟ قالت حنان نظر لها امير نظرة دهشة واستغراب ثم نظر الى الفايل الذى بيده فوجد اسمها .

- حنان ؟ قال امير .

- ايه معرفتيش ؟ قالتها وهى تجلس امامه على المكتب .

- بصراحة لا . شاور للممرضة بيده لكى تخرج .

- عامل ايه ؟ . مع ابتسامة خفيفة .

- تمام الحمد لله .. شكلك اتغير تماما .. قصيتى شعرك ..

مكياج غامق .. خسيتى شوية . تضحك حنان ضحكة خجل .

- بس انت زى ما انت . قالت حنان .

- ايه الى جابك المستشفى ؟ تسائل امير

اخرا وليس اخيرا _____

- مش عارفة اوصلك ازاي؟ معرفش عيادتك فين؟
اجيلك البيت يعنى؟

- لا مش القصد بس . لية الغيبة الطويلة دى؟
- يلا عادى .

- المهم تشربى ايه؟ ولا اقولك تعالى ننزل تحت انا
خلاص خلصت . من الصعب فى بعض المجتمعات ان تبقى
صداقة بعد انتهاء الحب .. ولكن امير وحنان كسرا تلك
القاعدة .. واصبحت بينهم مودة وصداقة جميلة .. ولكن هل
سيتمخض عنها حب؟ هما الان يسيران فى حديقة المستشفى ..
المكان جميل .. والشمس ساطعة والوقت مناسب للحديث
الاخوى .

- هى دى بقى مستشفى المجانيين؟ قالت حنان .

- لسانك زى ماهو .. تتوقف حنان عن السير قاطعاه .

- على فكرة فى الفترة الى فاتت اتغيرت كثير عن زمان .

- هايل . من ناحية؟ تسائل امير

- من نواحي كثيرة ... اولا فهتمت الحياة بشكل مختلف

فتحت صفحة جديدة مع نفسى ثانيا اتعلمت تكون عندى مبادئ وقيم وافكار ومعتقدات بس الاهم انها تكون صحيحة وكمان حاولت انظم علاقتى مع الناس اتقرب من الاصحاء وابعد عن المرضى .

- مضبوط قال امير .. الى متعلمتيهوش ايام الجامعة فى الطب النفسى هتعلمهولك .. الايام .

- صح .. وكمان بفكر افتح عيادة وامارس المهنة علشان كدة جتلك نتناقش مع بعض فى امور معينة .

- انا تحت امرك فى اى وقت وفى اى استشارة .

- شكرا يادكتور ثم قال امير :

- طيب اولادى مش اسمها (مستشفى المجانين) دى اسمها مستشفى الامراض النفسية والعصبية مكان الناس بتتعالج فيه من مشاكلهم المعنوية مش العضوية ... وطبعا زى زمان ايام الكلية لما خدنا ان فى فرق كبير .. بين الطب النفسى وطب المخ والاعصاب . ثانيا المكان دة اسمة مصحة هو مكان الناس بتبدا فى حياة تانية وتنسى مشاكلها وهمومها او تتعالج من الادمان .. بس الاهم انى اكون واخذ

قرار انى ابدأ بداية جديدة وانسى كل الى فات وانى مرجعش
للغلط تانى .

- شاطر يادكتور ..

كلام محفز ومقوى لشخص يريد ان يصبح انسان جديد
ولكن هل سينسى امير بسنت ويبدأ بداية جديدة مع . حنان . ام
للقدر راى اخر . اما عن صديقنا نركسوس او فهد فبعد شفائه
عاد لحياته الطبيعية كما كان . نوم . سهر . فتيات . خمور .
وكانه لم يتعلم من اخطاء الماضى ومن عقاب الله له واصبح
اكثر متعة ونشاط وحب للحياة لسبب سنعرفه بعد قليل ..
الان الساعة الثامنة مساء ... فهد قام بالنزول من الدراجة
النارية الفخمة ثم اوقفها بجانب الملهى الليلى وقام برمى
المفتاح فى وجه (السايس) ثم دخل ... ظل يرقص قليلا مع
الفتيات وبعد ذلك صعد الى الدور العلوى من النابت
ليدخل للغرفة المخصصة للاعضاء . وعندما فتح باب
الغرفة وجد شقيقه ... امير .. يشرب كاسا من النبيذ الاحمر .

- ooo my pro قال فهد يظل امير صامتا .

- ايه يا اخويا .. مش هنتفل بالنصر ولا ايه .

- هنتففل قال امير .

- دة انت كنت استاذ ...

دم ... واحد

انبعثت من عين امير شرارة الغضب نحو اخيه فهد وهو
يصب لنفسه كاس من النبيذ وبدا في حك ذقنه ثم قال:

- انت كدبت عليا يافهد .

- انا ليه ؟ قال فهد

- يعنى ... دخلتني معاك في دوامة كبيرة وحاسس انى
ظلمت بسنت . شرب فهد القليل ثم قال :

- اهو ضميرك دة الى موديك في داهية .

- او يمكن انتقامك هو الى ودانا في داهية . قال امير

- ازاي ؟ قال فهد

- هنروح فين من عقاب ربنا بعد ماخدعنا بنت دى المدة
دى كلها .

- سيبك من كل دة .. انا كدبت عليك في ايه ؟ قال فهد

- قولتلى ان بسنت خدعتك وسابتك بعد حبك الكبير ليها
وانك بجد اتغيرت علشانها بس الموضوع طلع غير كدة

خالص ... البنت كشفتك علشان كدة سابتك يعنى ضحكت
علينا احنا الاثنين . قال امير

- هى قالتلك كدة ؟ قال فهد

- اه بعد ماسبتك فى المستشفى وطلعت وراها على
البيت.

- كدابة وكل الكلام الى قالته كذب .. قال فهد .. انت
ماشوفتش حالتى كانت عاملة ازاي ماشوفتش كام مرة انا
حاولت انتحر بسبب بعدها عنى وانت الى كنت بتمنعنى ..
هتصدق بنت زى دى وهتكذب اخوك .

- والله العظيم انا كان عندى انى اسيبها تنتحر ولا انى
اخدعها بالشكل دة وامثل عليها انى بحبها بس انتقاما ليك .
قال امير اقترب فهد من امير ثم قال :

- انت اخويا . ابن امى . ومن دمنى . وجبتلى حقى من
البنت دى او عى ضميرك يانبك باى شكل من الاشكال او عى
ثم ضحك وقال :

- فاكر ... فاكر يا امير وشها لما احمر وعينها بدات تدمع
اول ماشافتنى على السرير فى المستشفى كانت اكبر لحظة

انتصار فى حياتى .. بردت نارى وانتقمت ثم توجه نحو
زجاجة النبيذ وصب كاسا لامير .

- ماتضيعش علينا اليوم الجميل دة وتعالى نحتفل بالنصر
ياصديقى . قالها وهو يمد يده بالكاس الى امير حمل امير
كاس النبيذ وصمت قليلا ثم قذفه بشدة على الجدران وخرج
من الغرفة .. اذا اردت ان تقتل انسانا .. من دون ان تعاقب ..
من دون ان يغضب عليك الهك .. من دون ان تشعر بالذنب
او بتانيب الضمير .. من دون ان تسقط نقطة دم واحدة ..
فالامر بسيط ياصديقى ؟ كل ما عليك فعله هو ان تحدد هذا
الشخص ... ثم تقرب منه تشعره وانك انسان عظيم لا مثيل
له وانك مختلف عن الباقية تجعله يعجب بك وتتجاوز معه
مراحل الاعجاب المختلفة ثم تقرب منه اكثر يوما بعد يوم ..
تتقاسم فيه معه افراحه واحزانه وتساعدته فى تكوين احلامه
وتحقيقها .. حتى يحبك ويتعلق بك ... يتعلق بك كثيرا
فاتصبح اول اولوياته وحيب ايامه ورفيق دربه ... يعتاد
عليك وتبقي شيئا اساسيا بالنسبة له وبعد ذلك تختفى
.... فتصبح ماضى وفى هذه الحالة ... ستنتصر خداع بسنت
تطلب العديد من المهارات التى خطط لها كلا من امير وفهد

..... كان فهد يقوم بدس سم الفساد و الانتقام داخل كل فقرة في تلك القصة المخادعة باسلوبه الجشعى ... اما امير فقام باستخدام الحبكة والمنطق .. وهو ما يتميز فيه لتغليف تلك القصة بالاذى والالم ... ووضع اللمسات الاخيرة عليها كلاهما مشتركان في جريمة ايداء شخص .. وهى بسنت .. ولكن كل شخص بطريقته واسلوبه الخاص .

لا تؤمن ابدا واخيرا بالشخص الذكى .. فالذكى فى الخير هو نفسه الذكى فى الشر ... والرجل الصادق هو نفسه الرجل الكاذب ولكن ... لم يكشفه احد . الان تحقق لفهد ما اراد ونجح فى اذلال حبيبته بسنت وجعلها تترك ما احبته مثلما تركته . ولكن هل سيكون لامير راي اخر ام سيستسلم للقدر ؟ اما عن (يسرا) والده فهد وامير فلم تستسلم للقدر مطلقا كعادتها ... حيث كان لديها الكثير من الخطط والخطط البديلة استخدمتها كاسلحة لمحاربة زواج امير من الفتاه الفرعونية بالرغم انها حتى الان لاتعرف بخطة ابنائها وان بسنت كانت محبوبة قديمة لفهد ... واستخدمت شخص كانت تحركه مثل قطعة الشطرنج امام امير حتى يترك بسنت . هى الان داخل (البيوتى سنتر) تقوم بفرد شعرها وصبغه

اخرا وليس اخيرا _____

وعمل البادكير والمانكير كفتاه فى العشرين ... وايضا تنتظر
شخص هام سياتى اليها لتعرف الاوضاع القائمة .

- اتاخرتى ليه ... طيب طيب ... اركنى عربيتك وتعالى ..
يلا سلام . قالت يسرا وهى تتحدث فى الهاتف ثم بعد بضع
دقائق جاءت اليها (حنان) .. انتم تعرفونها .. ثم جلست معها
فى الريسيشن .

- كل مرة بتحلوى عن الى قبلها . قالت يسرا

- شكرا دة من ذوق حضرتك انتى الاحلى دايمما . قالت
حنان

- ها طمنيى عملتى ايه ؟

- الامور ماشية تمام .. رocht لاميير زى ماقولتلى وهو
قابلنى بمنتهى الذوق والادب واتكلمنا كتير بحجة انى قررت
امارس الطب وانى عايزة استشارتة فى امور معينة .

- هايل يا حنان هايل .. امشى بقى على الطريق دة وانا
متبعاكى خطوة بخطوة لحد ان شاء الله ان شاء الله ماتكونى
نصيب امير ونخلص من المجنونة الى امير ماشى وراها دى .

- ان شاء الله . قالت حنان

- انتى عارفة معزتك عندى كبيرة قد ايه وانى بحبك
ونفسى اشوفك زوجة ابنى علشان انتى شبيهى .. قويه زبى .
- ربنا يخلىكى .. المهم .. ايه الخطوة الجاية ؟ قالت
حنان

- لازم تخلى امير يحبك من تانى باى شكل من الاشكال
ان شالله حتى تستسلميله .. المهم ينسى بسنت .
- حاضر .. حاضر . كانت المبادىء لدى يسرا تنقسم
وتتجزأ فقط للوصول للهدف المراد اجتيازه .. لكنها لم
تلاحظ عواقب قراراتها تجاه امير الذى ناوبته حالة سيئة
بسبب تانيب ضميره له تجاه ما فعله مع بسنت هو واخيه ..
فهو كان خائف من ان يحبها من البداية وبالفعل احبها ونسى
انه جزء من لعبة خداع بسنت وخاف ان تفكر بالانتحار بعد
شفائها وسعيه فى ذلك . وفى نهاية الامر ندم امير على ما فعله
وعلى اتباع خطواط اخيه فهد من البداية وراء الانتقام مما
لا يتناسب مع شخصيته ومبادئه وقرر ان يتبع قلبه وان يختار
بسنت . على انه يحاول الرجوع اليها مرة اخرى واخفاء تلك
المؤامرة عليها واخبارها انها مفضله له عن اخيه وانه يحبها
ويريد ان يكمل حياته معها ويتزوجها . اما عن بسنت

فاصبحت فى وضع سىء للغاية وعادت افكار الانتحار اليها من جديد كما توقع امير ... حيث ساءت احوالها بعد ان تيقنت من عدم رجوع امير لها واستحالة بقاء علاقتها بسبب دخول فهد فى حياتها بالصدفة على ما تظن وبقيت فى غرفة بيتها وحيدا لا تتكلم ولا تخرج وجفت عينها من البكاء بعد ان اختفى مصدر الطاقة والامل فى حياتها . ونصحتها امها بان تفكر فى الامر مجددا وتعطى فرصة للحديث مع امير لعلها تعود له .. خصوصا انها مازالت مخطوبة له امام الناس ولكنها رفضت الفكرة .

وبعد مدة بدأت بسنت فى استعادة نفسها مرة اخرى ونصرتها وشفائها وتذكرت كلام امير لها عن الحياة .. الامل .. التفاؤل وقررت ان تكمل مشوار حياتها .. وتواجه الصعاب والالم بالقوة الداخلية التى منحها الله عز وجل لها .. فقررت العودة الى العمل بمحل العطور التى كانت تعمل فيه سابقا وان تفتح صفحة اخرى لحياتها وتنسى القديم وتذكرت امير عندما قال لها : حلم ضاع احلمى بغيره . وفى اثناء عملها بمحل العطور صباح يوم دخل عليها امير حاملا باقة من الورد .. فلاحظت ذلك صديقتها التى تعمل معها

وخرجت من المحل لتتركهما يتحدثان سويا .

- ازيك يابسنت . قال امير نظرت بسنت له باندهاش ثم

قالت :

- الحمد لله .

- ممكن تاخدى منى الورد دة . قالها امير وهو يمد يده

بالورد الى بسنت صمتت بسنت قليلا ثم اخذت منه الورد
ووضعتة على الطاولة .

- ممكن اتكلم معاكى شوية .

- اتفضل .

- انتى لسة زعلانة منى . قال امير

- انا مش زعلانة منك بالعكس انت عارف انت معزتك

عندى قد ايه بس الظروف هى الى وصلتنا لكدة . قالت
بسنت

- ولو انا جى النهاردة وبقولك انى هتحدى الظروف كلها

وعايزك معايا وجنبى لآخر العمر ؟ قال امير صمتت بسنت

قليلا ثم قالت :

- طب واخوك وامك .. هتخسرهم علشانى ؟

- انتى عارفة ان امى كدة كدة انا خسرتها من قبل
مااخطبك وان فى بينى وبينها مشاكل كتيرة من قبل ماتدخلى
فى حياتى اما عن اخويا فهد فانتى عارفة وانا قولتلك
قبل كدة ان علاقتى بيه قليلة وبسيطة لانة ناتج امى ومدحت
الزغبى اكثر اتنين دمرونى ولو هختار بين اخويا وبينك
فهختارك انتى .

- صعب نكمل مع بعض يا امير . قالت بسنت

- انا ياستى قد الحمل والمسؤلية وهو اجه العالم كلة بس
علشانك بس انتى قررى انك تبقى جنبى ومعايا على طول .
ثم قال امير :

- بسنت امى وفهد خدوا منى حاجات كتير اوى منها
طفولتى وشبابى ومش عايزهم ياخدوكى منى .. ارجوكى
يابسنت خلىنا نكمل مع بعض ... من فضلك ... انا بحبك
والله العظيم وعايز اكمل معاكى لآخر العمر . من فضلك
انسى اخويا نهائى وكرانه مدخلش فى حياتك علشان انا غير
فهد وانتى عارفة كدة كويس .

سكتت بسنت قليلا ... ثم نظرت له وقالت :

- طيب .

- يعنى خلاص موافقة اننا نرجع ؟

- موافقة .

- طب البسى دبلك بقى . قال امير

- انا اساسا مقلعتهاش من صباعى .. اقترب منها امير وقام

بتقبيل راسها ويديها ثم قال :

- بحبك يابسنت . بالطبع لم يعرف امير بسنت بخبطه مع
فهد لانها كانت ستتركه بعد معرفتها باتفاق الاخوين وكانت
كلمة .. بحبك .. من امير لبسنت لأول مرة حقيقة من دون
تلاعب او انتقام فاللعبة اصبحت حقيقة والفتاه المراد ان
امير يمثل عليها الحب اصبح يحبها بالفعل . ولكن .. هل
سيكون لتركسوس راي اخر . دخل احدى رجال فهد الى
المهوى الليلى الذى يسهر فيه فهد ثم صعد الى الدور العلوى
ليدخل الى غرفة الاعضاء ليقابله طرق الباب ثم فتحه ...
وجد فهد يشرب كاسا من النبيذ
- تمام ياكبير .

- عملت ايه . قال فهد

- راقبتهم ياكبير زى ماقولتلى .

- وبعدين . قال فهد

- دايمًا مع بعض وامير بير وحلها البيت كل شوية او

المحل . تظهر على وجه فهد علامات الدهشة والغضب الشديد .

عالمكشوف

اصبح الان قرار زواج امير من بسنت يعارضه اكثر من شخص . اولاً يسرا والده امير التى استخدمت حنان كسلاح فى انهاء علاقته مع بسنت عن طريق التقرب منه مرة تلو الاخرى ومحاولة تذكره بحب الماضى . ثانياً فهد الذى اجر احدى رجاله لمراقبة بسنت وامير وعلم انهما على علاقة سوياً وان امير يريد الاستمرار معها وحول اللعبة لحقيقة . وما كان على فهد الا ان يتحدث مع امير مرة اخرى بشأن هذا الموضوع فطلب مقابله ودار بينهما الحوار كالاتى :

- امير ازيك يا اخويا عامل ايه ؟

- تمام الحمد لله . خير يافهد .

- ايه ياعم المقابلة دى مش ترحب باخوك . قال فهد

- ياريت تدخل فى الموضوع على طول . قال امير سكت

فهد قليلاً ثم قال :

- امير ... انا قولت لك قبل كدة اننا اخوات من ام واحدة

يعنى دم واحد واحنا مهمما زعلنا او اختلفنا برضو اخوات .

وماينفعش بنت زى بسنت تفرقنا عن بعض او تاثر عليك .

- وليه متاثرش عليه ؟ ماهى اثرت عليك قبل كدة زمان
وكنت هتنتحر علشانها وقولتلى ان الحل الوحيد هو الانتقام
ودخلتني معاك في اللعبة القذرة دى .. اهى اللعبة قلبت جد.
رفع فهد صوته وقال :

- مش هينفع .. مش هينفع يا امير اللعبة تقلب بجد . عارف
ليه ؟ علشان انا كنت بحبها قبليك وهى . هى برضو كانت
بتحبني واكبر دليل على كدة انها حاولت تنتحر علشانى ..
ازاى . ازاى اشوفكم بعد كدة مع بعض متجوزين وانا كدة
عادى ... ازاى ؟

- عندى حل حلو . قال امير

- دلنى عليه . دلنى عليه يا اخويا . قال فهد

- انسانى خالص يا اخى . ابعده عنى . وانا اوعدك انى مش
هقرب منك انا ولا هقرب من امك ... انت عارف يا فهد ايه
المشكلة ؟ المشكلة ان بسنت رفضتك ودى اول بنت
ترفضك دايمًا انت الى بتعرف البنات وبعد كدة بتسيبهم
بمزاجك . بس لازم تفوق وتعرف ان بسنت خلاص مش

ليك . ليا انا انا وبس . صمت فهد قليلا ومال راسه الى
الاسفل .. ثم بكى .. بكى بكاء حتى تاثر به اخيه . وبعد
لحظات مسح فهد دموعه ورفع راسه لامير ثم قال :

- بسنت ماينفمش تتجوزها يا امير .

- لية ان شاء الله ؟ قال امير

- بسنت انا كنت عامل معاها علاقة وخييت عنك

الموضوع . صمت امير قليلا ودارت حوله الشكوك ثم قال :

- انت كداب .. لو حاجة زى دى حصلت كانت بسنت

هتقولى وكانت بعدت عنى .

- لا ... لا مش كداب هي دى الحقيقة بسنت اساسا مش

بنت . بس انت مش عايز تصدق . قال فهد

- بسنت اشرف منك ومن عشرة زيك . قالها امير وهو

يضرب فهد على وجهه .

- الحل الوحيد علشان تتجوز بسنت انك تقتلنى ... بس

قبل ماتقتلنى انا هقتلك انت وبسنت ومش هخليكوا تتهنوا

ببعض . قالها فهد ثم رحل عن امير . اما عن بسنت فلم

تتحمل كلام وشكوك امير تجاه تلك الموضوع بعد اخبارها

به وقررت ان تثبت له عكس ذلك بشهادة طيبة تثبت انها مازالت عذراء ولم يلمسها شخص ولتنتهى الشكوك ولكن ماحدث هدم جزء كبير من علاقتهما حاول امير بعد ذلك اصلاحه . وبالنسبة لتركسوس فلم يجد حل سوى اللجوء لوالدته التى كانت دائما حنونة تجاهه ولا ترفض له طلب وتحل له مشاكله واخبرها بعلاقته مع الفتاه الفرعونية دون ان يعرفها خطته مع اخيه فاصابها الجنون بعد معرفة ذلك وزاد كرهها وانتقامها لبسنت . وبعد عدة محاولات فى التفكير قررت يسرا ان تقابل بسنت وتحدث معها لاول مرة وجها لوجه .. فاخذت رقم هاتفها من فهد وطلبت منها الحضور .

- ازيك يابسنت . قالت يسرا

- تمام الحمد لله . ازى حضرتك . قالت بسنت

- بخير بخير كنت عايزة اقابلك من زمان .

- وانا كمان والله كنت عايزة اقابل حضرتك . سكتت يسرا

قليلا ثم قالت :

- بصراحة انا كنت عايزة اعرف مين البنت الى قدرت

تعلق ابني بالشكل دة وتخليه يحبها . ابتسمت بسنت ابتسامة خافتة وشعرت بالخجل ثم قالت :

- والله عادى . كل الحكاية اننا انجذبنا لبعض وانا عجبتنى اخلاق امير وشخصيته . بس مش اكر .

- ويرضيكى يابسنت ان امير يخطب من غير مايعرف امه .

- لا طبعا مير ضينيش ... وانا عاتبت امير فى دة .. بس هو قالى انه هيقول لحضرتك وجريت الايام بقى . قالت بسنت

- واخبار علاجك ايه ؟ تسائلت يسرا

- والله حضرتك امير عالجنى بشكل كويس والحمد لله انا بخير ونسيت كل الى فات .. مفيش غير علاج واحد هو الى انا ماشية عليه بس .

- الحمد لله . ثم قالت يسرا :

- بصى يابسنت كل واحد فينا بيص للامور من وجه نظره وانا احب اعرفك وجهة نظرى للموضوع دة حتى نفسك مكانى وانا شايفة ابنى الكبير .. البكر .. امير وابنى الصغير .. المدلل .. فهد الاتنين بيحبوا بنت واحدة

اخرا وليس اخيرا _____

وهى انتى ... وهى خسروا بعض علشانها . لو انتى مكاني
قوليلي كتنى هتعملى ايه ؟ سكتت بسنت وناوبها شعور القلق
والخجل .

- سكتى ليه ؟ ماتردى ؟ قالت يسرا

- والله انا مش عارفة اقول لحضرتك ايه .. كل الى اقدر
اقوله لحضرتك هو ان الظروف والقدر هو الى جمعنى بفهد
وبرضو جمعنى بامير . قالت بسنت

- طيب والمفروض هتعملوا ايه بعد كدة ؟

- يعنى المفروض اننا انا وامير هنتجوز .

- بالبساطة دى يعنى مش ممكن تتعبى تانى او ياثردة على
زواجكم فى المستقبل . قالت يسرا

- ان شاء الله مش هتحصل اى حاجة وحشة . قالت بسنت

- طب هو فى حد فى العيلة عندكم كان عنده اى امراض
نفسية وعصبية قبل كدة ؟

- لا مفيش .

- طب انتى حيتى حد قبل امير قبل كدة غير فهد ؟

- برضو لا . بدا الغضب يزيد اكثر عند بسنت .

- طب انا يابسنت الى اعرفه عن فهد ابني انه عمل اكثر من علاقة مع بنت قبل كدة .. كان بيحكيلي يعنى .. بينى وبينك كدة ؟ معملش معاكى حاجة وانتي مخيبة ؟

- ايه الى حضرتك بتقوليه دة ؟ انا بنت عذراء ومفيش حد لمسنى وانا اثبت لامير دة بشهادة من مستشفى . ضحكت يسرا ثم قالت :

- وحياتك ساعات الدكاترة بتطلع شهادات مزورة بفلوس كتير ... انا شخصيا فى سنى دة ممكن اطلعك شهادة تثبت انى لسة انسة ومتجوزتش مدحت وعبد الله ولا خلفت فهد وامير . دمعت بسنت من الكلام القاسى ليسرا ثم قالت :

- حضرتك ممكن تكشفى عليا لو مش مصدقانى او شكة فيا .

- بصى فى الحاليتين انا مش هزعل كدة كدة ابني ودة ابني ؟ قالت يسرا ... بس انا مصدقاكى .

- طب ممكن اعرف من حضرتك رايك ايه فيا ؟ قالت

بسنت

- انتى بنت كويسة ومحترمة وجميلة بس احب اقولك
انك متعرفيش امير كويس .

- ازاي ؟

- بصراحة انا مش هكذب عليكى امير بيحب واحدة تانية
.. صحيح مقالش ليه حاجة .. بس انا عارفة . قالت يسرا

- بنت مين حضرتك الى امير بيحبها ؟ قالت بسنت

- حنان خطيبته السابقة ... انا عرفت منها انها على علاقة
كويسة بامير وانها رجعتله تانى .. والله العظيم .. حتى لو مش
مصدقانى اسالى امير .

- اكيد الكلام دة كذب .. حضرتك عايزة توقعى بينى

وبينه .

- امير عمرة ماهيحبك يابسنت علشان ببساطة انتى كنتى
حببية اخوه فهد واكبر دليل على كدة انك حاولتى تتحرى
علشانه ... ماتكديش على نفسك وترمى اخطائك على
شماعة القدر . قالت يسرا نظرت لها بسنت بغضب وحنن

وبعد ذلك تركتها ورحلت دارت دائرة الشكوك مرة اخرى
حول امير وبسنت ولكن هذه المرة من جهة بسنت
ودخلت معهم فى هذه الدائرة .. حنان .. خطيبته السابقة ..

- مش ملاحظة ان المشاكل بتزيد علينا يوم بعد يوم . قال

امير

- ملاحظة . ردت بسنت

- طب انتى تصدقى ان بعد كل الى بينا ده اخونك .

- بصراحة لا .. بس انا زى اى واحدة بغير على الى هيبقى

جوزى . قالت بسنت

- انا علمتك حكم ومبادئ كثيرة يابسنت .. بس الحاجة

الوحيدة الى مش عايزة تتعلميها منى هى انك تبقى واثقة من

نفسك .

- ممكن كفاية كلام منطقى علشان بقى بارد اوى .

- وكمان تبقى واثقة من زوجك . قال امير

- اصلك ماسمعتش الكلام الى قالته الست والدتك ..

كلام يقطع القلب . قالت بسنت وهى منفعة

- كنت متوقع منها دة واكثر علشان كدة ماكتتش عايز اعرفك عليها ولا تقربى منها .

- دى اتهمتنى فى شرفى .. والله العظيم لو واحدة عندها نقطة كرامة كانت سابتك من زمان . صمت امير وهو ينظر الى بسنت .

- بس انا مش حبيتك وبس .. انا عشقتك . قالت بسنت

- وانا كمان بعشقتك .. مش انا كنت بكلمك عن الحياة والامل والتفاؤل لما كتتى عايزة تتتحرى . اهو انا لو بعدتى عنى دلوقتى انا الى ممكن انتحر .

- ياريتك كنت سبتنى اموت ولا انى اعيش العذاب دة كله . قالت بسنت قام امير من على مكتب عيادته واتجه ليجلس امامها على الكرسي ثم قال :

- بعد الشر عليكى .

- امير وحياه ربنا عندك .. انت فى حاجة بينك وبين خطيبتك القديمة حنان .

- اقسم بالله مافيش حاجة . رد امير

- طب هى جاتلك تانى .. يعنى اتقابلتوا ؟ تسائلت بسنت
- علشان ابقى صادق معاكى فى الفترة الى كنا زعلانين
فيها من بعض بعد موضوع اخويا فهد جاتلى بس
بحجة انها عايزة استشارتى فى امور تخص الطب النفسى
واتكلمت معاها بادب واحترام زى عادتى .. انما والله العظيم
مافيش بينى وبينها اى حاجة . قال امير

- طب ايه الكلام الى مامتك قالته ليه دة ؟

- عايزة توقع ماينا .. عايزة توقع ماينا يا بابا وتفرقنا عن
بعض باى شكل .. علشان كدة انا خسرتها واشتريتك انتى .
تصمت بسنت قليلا

- والله يابسنت . حنان . مجرد ماضى بالنسبالى انما انا
بحبك انتى وقلت لك قبل كدة انى هحارب الدنيا بس
علشانك .. علشان اقدارنا مرتبطة ببعض .

- طب ممكن اطلب منك طلب ؟ قالت بسنت

- اتفضللى . قال امير

- ممكن تورينى صورة حنان ؟

- ليه ؟ تسائل امير

- معلش عايزة اشوف شكلها .

- حاضر بس انا مش معايا صورة ليها على التليفون . ثم

سكت قليلا وقال : اه معايا بروفايلها وهى حاطة صور ليها ..

استنى هديات بسنت قليلا بعد ان اقسم لها امير بانه ليس له اى

علاقة بحنان فكان امير طيلة الوقت يحارب من اجل ان تبقى

معه بسنت الى النهاية وان يتزوجها ... ولكن الاقدر السيئة

كانت دائما تلاحقهم ...

استسلام

(((((وتذكر ياليل انك لم تفرحنى يوم .. ولكننى سانتظر الجميل حتى ياتى ...))) وكانت حفلة خطوبة احد اصدقاء امير ويدعى .. مراد.. من بنت رجل اعمال شهير بالدولة ذات حصانة مناسبة هامة استغلها امير ليخفف من الطاقة السلبية والحزن لديه ولدى خطيبته بسنت فقرر الذهاب سويا الى تلك الحفلة . استعداد امير لتلك المناسبة بدلة فحمة غالية الثمن وساعة ماركة عالمية والقليل من الاكسسوارات ... اما عن بسنت ف ارتدت فستان سهرة محتشم ووضعت المكياج والعطر الملائم وركبا سويا سيارة امير وذهبا الى الحفل وعند الساعة التاسعة مساء وصل امير وبسنت الى الحفل . استغل امير ايضا هذه المناسبة فى ان يتعرف اصدقاءه على خطيبته بسنت واعلان خطوبته امامهم . وان يبين لبسنت مدى حبه لها وتفخره بها امام الناس .

- ها ايه الاخبار . قالها امير وهو يمسك بيد بسنت

- تمام . قالت بسنت

- امال ساكتة ليه ؟

- ابدأ بس مش واخدة على جو الاحتفالات . صمت امير قليلا ثم قال :

- كان نفسى حفلة خطوبتنا تبقى زى دى .

- كفاية انك انت الى خطبتنى .. قالتها بسنت مع ابتسامه وفى اثناء حديثهم جاء صديقه محمود وظلا يتحدثان سويا لمدة طويلة .

- بقولك ايه انا ماشى سلام . قال محمود

- رايح فين ؟ تسائل امير

- اصل البوفيه اتفتح . ضحك كلا من امير وبسنت وفى اثناء حديثهم جاء الجرسون حاملا المشروب .

- بس مش غريبة مع كل الوجاهة دى يقدمولنا عنابى ؟ قالت بسنت

- يقدمولنا ايه ؟

- عنابى ..

- حبيبتى دة مسمهوش عنابى دة اسمه نبيت . قال امير

- يعنى خمرة . قالت بسنت وهى منصدمه

- لا مش خمرة دة يعتبر مرحلة قبل مرحلة الخمرة .

- يعنى امان ؟ قالت بسنت

- عيب؟؟؟ كانت بسنت من ضمن اجمل الفتايات

الحاضرين بالحفل من حيث بساطة واحتشام الملبس
الخاص بها .. ولم تنافسها فتاه فى الحفل سوى (حنان) خطيبة
امير السابقة . وفى اثناء حديثهم وقدم الحاضرين جاءت
اليهم (حنان) حيث كانت من ضمن المدعوين الى الحفل ..
ولاحظت وجود فتاه بجانب امير .. علمت انها بسنت .. ومع
ذلك تقدمت اليهم

- ازيك يا امير ؟ قالت حنان تفاجا امير من وجودها خائفا

من حدوث اى خلاف بينه وبين بسنت .

- تمام الحمد لله .

- مش تعرفنى ؟ قالت حنان

- بسنت .. خطيبتى .. قال امير بالطبع كانت تعرفها بسنت

وسلمت عليها وكانت هذه المرة الاولى فى الظهور سويا .

ولكن هل ستكون الاخيرة ؟

- ذوقك حلو يا امير .

اخرا وليس اخيرا _____

- ربنا يخليكى دة من ذوقك . ثم يتركهما امير بحجة دخول الحمام .

- بجد انتى زى القمر . قالت حنان

- ميرسى ربنا يخليكى . قالت بسنت مع ابتسامة صادقة

- اوعى تزعلى امير .

- لا عمرى ماهزعلة . ردت بسنت وعندما عاد امير بدات

انغام اغنية . I will always love you

- عن اذنك يا حنان . قالها امير وهو يمسك بيد بسنت

ومتجها للرقص بدا امير وبسنت فى الرقص مع الاخرين ..

وكانت لافتة جيدة منه ليثبت لبسنت مدى حبه لها .

- على فكرة انا قصدت ادخل الحمام علشان تتكلموا سوا

وتتاكدى انى مافيش بينى وبينها حاجة . قال امير وهو يرقص

مع بسنت

- انا اسفة يا حبيبي لو كنت شكيت فيك فى يوم .

- بحبك .

- وانا كمان بحبك اوى . لم يكن يعلم امير بنوايا حنان

السيئة تجاهه وماتخطط له مع والدته .. وكان يعتقد ان الامر مجرد اكاذيب ادعتها والدته من اجل انهاء علاقته مع بسنت .
خرج امير وبسنت ومعهم حنان عند مغادرة الحفل .

- كانت حفلة حلوة . عقبال فرحكم . قالت حنان وهى قابضة يدها

- شكرا عقبالك . قالت بسنت

- راكنة عربيتك قريب ؟ تسائل امير

- لا انا عربيتى فى الصيانة . هاخذ تاكسى . قالت حنان

نظر امير الى بسنت ثم عاد النظر الى حنان وقال :

- تعالى نوصلك فى طريقنا .

- لا خلاص مش مهم .

- لا عادى انتى حتى بيتك قريب . تعالى وقام امير

بتوصيل حنان الى بيتها .. ولكن الجزء السىء فى كل ذلك ان

بسنت علمت بمكان اقامة حنان . وكان نركسوس يقضى

معظم وقته فى (النات كلاب) يسهر ويشرب الخمر محاولا

نسيان الفتاه الفرعونية التى عشقها و التى اوشك على الزواج

منها اخيه امير وازداد غضبا وكرهية يوما بعد يوم بعد فشل

جميع محاولاته في افسال الزواج وقطع هذه العلاقة .. حيث كان يعلم نركسوس بمدى صلابة روح امير وقوة ارادته . وانه اذا اراد شيئا سوف يحصل عليه . كانت خطة فهد اقوى من حسابات امير .. فهو بارع في فن الانتقام والاخذ بالشار .. و اراد الاثبات لنفسه انه الاقوى و الاذكى من اخيه الاكبر امير فقرر انهاء حياته هو وبسنت . الان امير جالسا على مكتبه في عيادته الخاصة يقرأ كتاب في علم اللاوعى والبرمجة العصبية عادة مايحب القراءة في جو هادىء بعد انهاء عمله .. ينظر الى الخاتم الفضى الذى في يده اليمنى . مبتسما ابتسامة ثقة بانه سيظل في يده الى ان ينتقل الى اليد الاخرى .. حتى دخل عليه نركسوس . نظر امير اليه ثم قال :

- اطلع برة . ظل فهد يتطلع الى الشهادات المعلقة على جدران الغرفة ثم قال :

- بسم الله ماشاء الله . كل دى انجازات انت خدتها . دة اخويا طلع مهم بقى وانا مش عارف .
- بطل لف في العيادة واتفضل اقعد عالمكتب او اطلع برة . قالها امير وهو معصب .

اتجه فهد نحو مكتب امير ثم جلس

- بس ايه ياعم الفجردة .. اسال على سعر الكشف عندك
يقولولى ٥٠٠ جنيه؟ ياراجل هو لو حد النهاردة معاه ٥٠٠
جنيه كان راح لدكتور نفسى؟

- عايز ايه يافهد؟ تسائل امير

- عايز اقولك كفاية كدة بقى يا امير . كفاية لعب . دلوقتى
لازم ننهى الموضوع ونكمل الى اتفقنا عليه للنهاية . لازم
اظهر لبسنت زى ما خططنا واقولها . اقولها انك زى ما بعدتى
عنى بلا سبب انا كمان خططت انى اخلى اخويا يعلقك لحد
ما تحبيه وبعد كدة يسيبك . واحدة بواحدة .

- وتفتكر هتصدقك؟ قال امير وهو يشعر بالاستفزاز

- اكيد . قال فهد

- مستحيل لانى ببساطة هكذب وهقول ان دة محصلش
وبسنت اكيد هتصدقنى لانها بتحببنى وعايزة تكمل معايا ...
كمان هى عارفة كويس اوى انى اختارتها وفضلتها عنك وعن
امى . سكت فهد قليلا ثم قال :

- امير .. من فضلك يا امير انا مقدرش . مقدرش اشوفك

انت وبسنت مع بعض والبنت دى هى الى كنت بحبها .

- لو كنت بتحبها صحيح كنت سبتها .. مش تعيطلى و
تبينلى انك هتموت وتجرنى وراك فى اللعبة دى .

- تقوم تحبها بجد يا امير . تخون اخوك . دة الى اتفقنا
عليه سوا . هى دى الاخوة . قال فهد

- فهد ... طول حياتك فى بوقك معلقة ذهب وخذت كل
الى انت عايزه وابوك وامى عاملوك احسن معاملة و كل
ماكنت بتمنى حاجة كنت انت الى بتحققها لكن بسنت
انا عمرى ماهفرط فيها . لانى ببساطة بحبها و عايز اتجوزها
بجد مش زيك كنت بتحبها وبتحب معاها عشرة . قال امير
وهو يحدق فى عين فهد

- كدة طيب . طيب . بس افكر كلامى انى قولتلك انى
مش هخليكوا تتهنوا ببعض وانك الحل الوحيد علشان
تتجوز بسنت انك تقتلنى .. سلام يا اخويا . ليس بالضرورة
مصطلح (الاستسلام) ان يكون مرتبطا بالفشل او الهزيمة او
عدم القدرة على الانتصار .. فهناك اناس يطبقون مبدا
الاستسلام فى الابتعاد عن شىء ضار بالنسبة لهم او نسيان
شىء ما .. او الانتصار فى جزء من الحياة لاينجح الا

بالاستسلام... فالكثير من الاشخاص يتنازلون عن قيم ومبادئ مهمة وعظيمة بالنسبة لهم لمجرد الحصول على ما يريدون. هذا المنطق كانت بارعة فيه والدة امير (يسرا) وايضا فهد ولكن هل ستنجح فيه ايضا حنان.. ام ستفشل في الحصول على قلب امير؟ حنان الان داخل سيارتها. مرتدية ملابس فخمة ومثيرة تقوم باطفاء السيارة وتنتظر قليلا... تبدو عليها علامات القلق والتردد... تنظر الى وجهها والميكب الخاص بها في المراه ثم تضع العطر المحبب لامير وبعد ذلك تقرر النزول منها. الان تقف امام باب الشقة لبضع ثوان. تلتقط عدة انفاس ثم ترن جرس الباب.... فيفتح لها امير.

- حنان؟ قالها امير باستغراب

- ازيك يا امير. بصوت منخفض ينظر امير الى ساعة الحائط ليجدها ليجدها التاسعة و النصف مساء.

- معلش انا اسفة انى جيتلك فى وقت زى ده.. بس بصراحة عايزة اتكلم معاك. قالت حنان

- لا عادى اتفضلى البيت بيتك. قال امير تخلع حنان

حذائها امام الباب (بعضكم يعرف لماذا) ثم تدخل ..

- اتفضلى تجلس حنان على الكنية فى الصلاة .

- تحبى تشربى ايه ؟ قال امير

- اى حاجة . مش عايزة اتعبك ؟ قالت حنان بصوت

منخفض

- نعمل اتنين قهوة علشان نصحصح .

- طيب . يدخل امير الى المطبخ لعمل القهوة .. تظل حنان تنظر الى اركان الشقة ... ثم تخرج المراه من حقيبتها وتنظر مرة اخرى الى وجهها وشعرها وتقوم بفك زر من ازرار ملبسها لتبدو مثيرة . ياتى امير بعد ذلك حاملا القهوة ثم يجلس .. يظل ينظر الى شعرها ومفاتن جسدها ... نعم انه بالفعل اشتاق لها . و لوجهها الابيض وشعرها الاشقر اشتاق لجمال فتاه الثلاثين ولحب الماضى . لغفلة اشتاق لذلك . سكت قليلا ثم قال :

- عاملة ايه ؟

- تمام . مش بتتصل بيا ليه ؟ قالت حنان

- معلىش . ظروف الشغل واخذانى ... خير يا حنان ؟

- تعبانة ... تعبانة اوى يا امير . قالت حنان

- من ايه يا بابا ؟

- انت عرفت بعد ماتقابلنا تانى ان والدى توفى . هو الوحيد الى كان امان وسند ليا بعد موت والدى وبعده بقيت عايشة فى شقة كبيرة لوحدى وحاسة بوحدة كبيرة اوى يادكتور .

- طبيعى الاحساس دة . انما لازم تحاولى تخرجى منه باى شكل . لازم تتفاعلى مع الناس وتمارسى هوايات وتشتغلى وهتلاقينى جنبك فى اى وقت . تنظر حنان لامير لمدة فى عينيه حتى يفقد التركيز والسيطرة على نفسه ويستسلم ثم اقتربت منه وقالت :

- وحشتنى اوى يا امير . يصمت امير وتبدا ضربات قلبه فى التزايد ثم قال :

- وانتى كمان يا حنان .

- ليه سبتنى ؟

- علشان انتى مش عارفة تتعاملى معايا كويس . مش مناسبين لبعض . معرفتيش تكسبى قلبى .

- بس والله انا اتغيرت . سكت امير قيلا ثم قال :

- وحشنى جنونك وانفعالك وعصبيتك وصوتك العالى .
- بحبك يا امير .

- وانا كمان بحبك . بحبك اوى اقتربت منه اكثر فاكثر
المرأة توسوس والرجل ينفذ . هكذا حالنا من وقت ادم
وحواء . الان .. الان الان ... لا .. لا .. لا لن اخون بسنت
لن استسلم لها . لا . لا

- اطلعى برة . قال امير

- ليه خلىنى معاك شوية . قالت حنان

- اطلعى برة بقولك . قالها بصوت مرتفع

- كل دة علشان الى اسمها بسنت . يخرج امير من غرفة
النوم ويتجه نحو باب الشقة ويفتحه

- اطلعى برة . مش عايز اشوف وشك هنا تانى . تتجه
حنان نحو الباب ثم تقول :

- والله العظيم لهوريك انا هعمل ايه .. ثم تخرج يغلق امير
الباب خلفها بشدة . وبعد ذلك يتجه امير نحو صورة بسنت
المعلقة على الحائط .. ثم يبكي . يبكي بشدة ...



من البداية

كادت خطة كلا من حنان ويسرا ان تنجح واقترب امير من الاستسلام لحب الماضى .. لولا انه فاق فى اللحظات الاولى قبل عملية التقارب وايقظه حب بسنت من ممارسة علاقة مع حنان وهنا ادرك امير النوايا السيئة لحنان وان قربها منه من البداية مرة اخرى لسبب غير برىء . فقرر الابتعاد عنها الى الابد وان يخرجها من حياته وحياه بسنت للحفاظ على بقاء علاقة الحب و الارتباط بينهم . ظل امير نائما .. لا يريد الاستيقاظ .. لا يريد ان يواجه نفسه بعد هذا الذنب القبيح .. لا يريد ان يرى النهار .. لا يريد ان يرى ضوء الشمس . كارها جسده الذى اقترب به الى خطيبته السابقة كارها يده التى لمست جسدها وعينه التى شاهدت مفاتنها . ظل ذلك الى مساء اليوم التالى حتى استيقظ على صوت جرس الباب .

- بسنت . قال امير بعد فتحه للباب واندهاشه

- ازيك يا امير .

- تمام . تمام الحمد لله .

- ممكن ادخل ؟

- اكيد اتفضلى . ثم دخلت بسنت للدخال .
- ايه مال عنكى حمرا كدة ليه ؟ تسائل امير بعد ملاحظته لذلك .
- اصل مانمش بقالى يومين . قالت بسنت بصوت منخفض
- طب اتفضلى يا حبيبتى . تجلس بسنت فى الصالون . يدخل امير الى غرفة النوم ثم يخرج منها ويغلق الباب خلفه
- تحبى تشربى حاجة ؟
- شوية كدة . ياتى امير للجلوس بجانب بسنت .
- وحشتينى .
- وانت كمان .
- ها تحبى نخرج فى النهاردة .
- تظل بسنت ساكتة تنظر الى امير بشدة .
- مالك ساكتة ليه ؟ تسائل امير
- بفكر فيك . ردت بسنت وهى مبتسمة

- انا معاكى ؟ قالها امير بتعجب

- حتى وانت جنبى بفكر فيك . بفكر فى شخصيتك
واسلوبك .. بفكر فى علاقة حينا واننا هنتجوز قريب .

- وبتفكرى فى ايه تانى ؟ قالها امير وهو منسجم لذلك

الكلام

- بفكر فى بداية علاقتنا وازاى انت قدرت تمنعنى من انى
ارمى نفسى فى البحر وانتحر والعقبات والصعوبات الى
واجهتها علشان نبقى مع بعض والناس الى حاربتهم
علشانى .

- ده اقل واجب ممكن اعمله علشان علاقتنا تفضل
مستمرة انتى ماتعرفيش يابسنت انا بحبك قد ايه . صمتت
بسنت قليلا ثم قالت :

- امبارح بليل قبل ما انام سمعت اغنية جميلة اوى
بتفكرنى بيك وبقصة حينا من البداية . تحب تسمعها ؟

- طبعا شغليها . تخرج بسنت من حقيبتها الهاتف وتقوم
بتشغيل مقطع صوتى .

- اسمع كدة :

- عايز ايه يافهد

- عايز اقولك كفاية كدة بقى يا امير . كفاية لعب . دلوقتى لازم ننهى الموضوع ونكمل الى اتفقنا عليه للنهاية . لازم اظهر لبسنت زى ما خططنا واقولها . اقولها انك زى ما بعدتى عنى بلا سبب انا كمان خططت انى اخلى اخويا يعلقك لحد ما تحبيه وبعد كدة يسيبك واحدة بواحدة ...

- وتفكر هتصدقك

- اكيد انصدم امير مما سمع واحمر وجه وزادت ضربات قلبه .

- مستحيل لانى ببساطة هكذب وهقول ان دة محصلش وبسنت اكيد هتصدقنى لانا بتحبنى وعايضة تكمل معايا كمان هى عارفة كويس اوى انى اختارتها وفضلتها عنك وعن امى .
- امير من فضلك يا امير انا مقدرش . مقدرش اشوفك انت وبسنت مع بعض والبنت دى هى الى كنت بحبها .

- لو كنت بتحبها صحيح كنت سبتها مش تعيطلى و

اخرا وليس اخيرا _____

تبينلى انك هتموت وتجرنى وراك فى اللعبة دى .

- تقوم تحبها بجد يا امير . تخون اخوك . دة الى اتفقنا عليه سوا . هى دى الاخوة

- بسنت . اية دة ؟

- دى الاغنية يا امير اغنيتك انت واخوك .

- فهد ... طول حياتك فى بوقك معلقة ذهب وخذت كل الى انت عايزه وابوك وامى عاملوك احسن معاملة و كل ماكنت بتمنى حاجة ثم تغلق بسنت التسجيل الصوتى .

- شوفت بقى . قالت بسنت

- بسنت .. من فضلك سببى اشرحلك واقولك على كل حاجة .

- مانت هتقولى . هتقولى على كل حاجة . علشان انا متخدعش بسهولة كدة . يتوتر امير الى اقصى حد وتدمع عين بسنت .

- ممكن بس تهدى وانا هشرحلك الوضع .

- قول . قول يلا . قالتها بسنت بصوت مرتفع

- طب ثانية واحدة بس ارتب كلامى . قال امير وهو مرتبك

- قولى على كل حاجة . ازاي عرفتنى ؟ وازاي وقعتنى فى حبك ؟ وخطتك انت واخوك علشان تضحكوا عليا . قول يلا مستنى ايه . قول . قالت بسنت وهى منفعة وتبكى وبعد ان هدا الوضع قليلا .. قرر ان ييوح ويمهد لها بكامل خطة فهد ليريح ضميره ويقلل من الشعور بالذنب تجاهها .

- انا هقولك على كل حاجة من البداية . بس ارجوكى اسمعيني للاخر وافهمى الوضع الى انا كنت فيه .
- قول يلا . قول .

- الموضوع كله . بدا بكذبة صغيرة . انا كدبت عليكى صحيح انا علاقتى بامى وجوز امى سيئة جدا لكن فهد كنت بحبه اوى لاننا ببساطة اخوات من دم واحد .. مختلفناش غير فى اسم الاب .

- كمل . قالت بسنت

- كانت علاقتى بفهد علاقة اتنين صحاب مع اختلاف وجهات النظر وكنت دايمما بروح عند امى علشان ازوره

واطمئن عليه ... بعد كدة لاحظت ان فهد متغير شوية وانه مبقاش يتكلم مع حد وبقى يسهر ويشرب زيادة عن الاول وبنام طول اليوم . ودايما الاقى عينيه حمرا من البكاء وحزين لدرجة كبيرة . كدكتور نفسى حاولت اعرف هو ماله وفي ايه بس ماوصلتش لاي حاجة بعد كدة تطور الامر انه بقى يتعصب لاتفه الاسباب ويكسر ويرمى اى حاجة قدامه . امى بلغتنى بده وكانت حالتها صعبة اوى .. وتطور الامر اكثر انه حاول يتحرر اكثر من مرة ويموت نفسه . ولما ضغطت عليه .. حكاالى .

قالى انه كان بيحب بنت اوى وانه بسببها نسى كل البنات الى يعرفها وكان ناوى المرة دى بجد انه يتجوزها .. ويمشى على الصراط المستقيم بعد ماكلنا كنا عارفين انه بتاع بنات ... بس قالى ان بعد كدة البنت دى شافت رسايل قديمة بينه وبين بنت كان يعرفها زمان ومقدرتش تفهم ان دة كان ماضى وانه دلوقتى بيحبها وبس . فسأبته دخل فهد فى حالة اكتئاب كبيرة وغضب شديد تجاه البنت دى وكان عايز ينتقم منها باى شكل (طبعا البنت دى هى انتى يا بسنت) حاولت اخرجه من الحالة الصعبة الى هو فيها دى لكن بلا فائدة لحد

ماقالى ان الحل الوحيد لمشكلته هو (الانتقام) وانه لازم يضر البنت دى زى ما ضرته وسابته من غير ماتفهم كلامه ولا تديله فرصة يشرح الموقف الحقيقى ... فقالى على خطته (ان لو عايز تنتقم من شخص لدرجة انه يموت وهو عايش يبقى تقرب منه مرة بعد مرة . وتوقعه فى الحب و تبقى كل حاجة بالنسبale وحياته كلها وبعد كدة انسحب) قالى زى ما خلتنى احبها واتعلق بيها وسابتنى انا كمان لازم اخليها تحب واحد لدرجة العشق وبعد كدة يسيبها .. وقالى ان الشخص الانسب للمهمة دى يكون واحد قريب منى . علشان الالهانة والانتقام تكون اقوى لبسنت . وعرض عليا انى اكون الشخص دة .

طبعا رفضت فى البداية لكن فهد ضغط جامد عليا وقالى انه هيموت لو مانتقمش من البنت دى .. فهد كان بنى ادم مجسد داخل شيطان وكان بارع اوى فى الانتقام والقهر واذى الناس خصوصا انك كتنى اول بنت تسيبيه دايمما البنات هى الى كانت بتجرى وراه وهو الى يسيبهم وينساهم . بس برضو رفضت وصممت على انه لازم ينساكى ويكمل حياته عادى . لحد ما عرضت عليه انه هيدينى مبلغ كبير مقابل ان

اوافق حوالى (٤ مليون جنيه) قالى هطلبهم من امى وهى
طبعا مش بترفضلى طلب . طبعا انا لو كنت مكانه وطلبت
مبلغ زى دة من امى عمرها ماكانت هتديهولى . بسبب
المشاكل اللى بينى وبينها ولا انا ابن (مدحت الزغبى) وانا
كنت شاب لسة فى بداية طريقى وكنت محتاج مبلغ زى دة
علشان اتجوز وانجح فى حياتى واعيش عيشة كويسة و
مستقرة (الفلوس كل حاجة) وكنت لسة خارج من علاقة
حب فاشلة مع حنان وحاسس با الى اخويا حاسس بيه .
وانقهرت زيه ... وبعد تفكير وافقت وقررت العب اللعبة دى
طبعا عرفت بعد كدة انا فهد خدعنى وانه فعلا كان يعرف
بنات عليكى وانك كان ليكى الحق انك تسييه .. عرفت دة
منك بعد كدة بعد اما اكتشفتى ان اخويا هو فهد حبيبك
القديم .يعنى فهد خدعنا احنا الاثنين .

- كمل كمل يادكتور .

قالت بسنت وهى تدمع صمت امير قليلا ثم قال :

- فهد عرف انك روحتى اسكندرية فقررنا ان البداية تكون

من هنا وبعدين ...

- عرف منين . قاطعته بسنت

- هند صاحبك الى قولتيلي انها اختفت ومحدث يعرف عنها حاجة كانت بنت ضمن البنات الى عرفهم فهد هي كانت حلقة الوصل بينك وبين فهد طبعاً كانت تعرف عنك كل حاجة وكل تحركاتك وكانت بتبلغ فهد بكل الى بتعمله والمقابل علاقة غير شرعية معاه فطلب منها انها تقترح عليكى انك تروحي اسكندرية تقضى يومين وانتى وافقتى . فابتدت الخطة فى اسكندرية قبل راس السنة

- وبعدين . قول .

- فهد طلب من هند انها تقترح عليكى انك تروحي حفل راس السنة مع انها قالتله انك تعبانة ومش قادرة بس قالها حاولى تضغطى عليها ... بعد كدة انا كمان روحت الحفلة مع صحابى كانت الخطة انى اقابلك واحاول اتعرف عليكى واعلقك بيا بس ماكنتش عارف شكلك .. ولا انتى انهى بنت من البنات الكثيرة الى فى الحفلة بس فهد كان معاها فى الحفلة دى وكنا بعاد عن بعض وهو الى اتصل بيا وقالى على خط سيرى علشان اقابلك قالى هى البنت الى هناك الى بتعيط

دى . بس ماكتتش عارف ازاي الاغيكى واتكلم معاكى
فافضلت اراقبك من بعيد لبعيد لحد ما لقيتك رايحة ناحية
البحر وبتطلعى على الصخور شكيت انك هتحاولى تتحرى
وقولت ان دى فرصة كويسة علشان اقرب منك طبعاً انا كنت
متأكد بنسبة كبيرة انى هرجعك عن اللى فى دماغك من افكار
الانتحار بسهولة كدكتور نفسى شاطر فاتكلمت معاكى وفعلاً
حاولت ابعده نظرك عن الفكرة دى بس اللى ماكتتش عامل
حسابه انك كنتى واخدة برشام للانتحار واكتشفت دة ..
فاعرفت انك موتى .. وفى تانى يوم لما روحت الشاليه بتاعى
الى كان مستينى فيه فهد .. اتخانقت جامد معاه وقولت له
اننا روحنا فى داهية وظلمنا البنت معانا وانك كنتى فعلاً
بتحبيه واكبر دليل على كدة انك انتحرتى علشانه قالى انها
مصيرها كدة وانها انتحرت مش حبا فىا انما كرها ليا وللعالم
كله وقالى احنا ملناش زنب فى اللى حصل دى ارادة ربنا وانت
حاولت معاه على قد ما قدرت ... وسابنى ونزل مصر وانا
بقيت فى اسكندرية كام يوم بحاول انسى اللى حصل وكان
ضميرى بيانبنى وقولت خلاص ان الحكاية انتهت على كدة
اتفاجئت بعدها ان فهد عرف من هند صاحبك ... انك

فوقتي من الغيبوبة ... وبقيتي كويسة فنزلت القاهرة وكمنا
الخطة .

- والخطة كانت ايه ؟ تسألتي بسنت

- الخطة بعد كدة انا الى اقترحتها وهى انى ابعذك تماما
عن امى وفهد .. طبعا علشان الخطة ماتتكشفش ... فخليت
ابويا فى وش المدفع .. وروحت حاكيتله على الى حصل
علشان يبقى على علم بالموضوع من البداية . علشان بعد
كدة يقف جنبى ويساندنى فى الزواج منك . اما عن فهد
فاقنعتك انى علاقتى بيه ضعيفة وقلقة هو وامى .. حجة
علشان اخفى عنك ..

- وكنت عايز توصل لفين فى النهاية ؟

- كانت الخطة انى اعلقك بيا وتحببني لحد ما اخطبك
وبعد كدة يظهر فهد بالصدفة بعد الخطوبة كاننا منعرفش
حاجة فنفسخ الخطوبة ... وبعدين يجيلك فهد ويقولك على
كل الخطة ويعلن انتصار انتقامه فاتموتى مليون مرة فوق
المره تبكى بسنت وتدمع عين امير

- كفاية كدة . قال امير وهو يمسخ دموعه

- لا لسة فى حاجة .

- ايه .

- ازاي خلتنى اجيالك العيادة انا وامى مع اننا كنا ممكن نروح لاي دكتور تانى . صمتت بسنت قليلا كانها تسترجع مافات ثم قالت :

- اه عرفت .. هند صاحبتى هي الى اقترحت ان اروحك وقالت انك دكتور شاطر وهتقدر تعالجنى وتخفف من اوجاعى .

- بالضبط كدة وبعد كدة لما جيتى العيادة ليا اتظاهرت انى معرفكيش وانى اول مرة اشوفك .. وحتى سالتك وقولت لك (احنا اتقابلنا قبل كدة)

- وانا بطييتى وبغبائى صدقتك . قالت بسنت يشرب امير القليل من الماء ويده ترتعش ثم اكمل .

- وبعدين روحنا اسكندرية وعرضت عليكى الزواج ورجعنا تانى مصر تانى وبعد كدة وافقتى ... وروحت لامى وطلبت منها انى اتجوزك وكنت عارف انها هترفض .. وبرضو

فضلت استفذها بالكلام علشان الحوار يبقى سلبي واسيها
واخلي ابويا بس هو الى قدام موضوع جوازنا طبعاً علشان
متقابلش امي ولا تشوفي فهد... كل دة كان تحت عين
وتخطيط فهد وبعد كدة فهد استغل الحادثة بتاعته ولما فاق .

دخلت عليه و قالي ان دة انسب وقت علشان نكشف
الموضوع ويظهر ليكي فقالي بما انها دلوقتي خطيبتك قولها
ان اخويا عمل حادثة وهو في المستشفى وطبعاً انتي هتيجي
تطمنى عليه .. وانتى عارفة الباقي .

- طب ليه بعد كدة فهد مظهرش لية و قالي على خطتكم
سوا و اعلن انتصاره . قالت بسنت

- علشان اختلفنا بسببك . قال امير

- ازاي .

- ما انا قولتلك في الاول انى اكتشفت خداع فهد بعد ما
رجعت ليكي الشقة وقولتيلي انك بقيتى تراقبى فهد لحد ما
عرفتى انه عارف اكثر من بنت وبيسهر وبيخرج معاهم ..
فاعرفت ان فهد مامشيش على الصراط المستقيم زى ما قال
وانه ماتغيرش بجد وان الموضوع من البداية انه غدر بيكي

مش انتى الى غدرتى بيه .. فاكشفت ان لعبة فهد من البداية .. لعبة انتقام .. وبعد تفكير طويل وتانيب ضمير قررت انى ارجعلك وطبعاً خبيت عليكى كل دة .

- ورجعتلى ليه ؟ ليه مكملتش خطتك ؟

- علشان الحاجة الوحيدة الى ماكنتش عامل حسابها فى كل دة هو انى احبك بجد وفى الوقت الى انا بحاول اوقعك فى حبي انا الى حبيتك ويمكن اكر ما حبتينى علشان كدة فهد بيطاردنى وهددنى بالقتل اكر من مرة علشان انا اخذت منه البنت الى هو بيحبها ثانيا اخذت منه الاربعة مليون جنيه ثمن الاتفاق

- حسبى الله ونعم الوكيل

- اقسملك بالله يابنت انى مشاعرى ليكى حقيقية وانى بجد حبيتك . حبيتك من كل قلبى . وكل الى حصل بينا من بعد الى قولتوا ليكى دة كان حب حقيقى مش مجرد كذب وخداع . مازالت دموع بسنت تتساقط .

اما عن امير فناوبه شعور الطمانينة بعد اعترافه لبسنت بكل شىء ... وقد علم ان ببعده ذلك الكلام انه قد خسر حبها

الى الابد ولكنه كان على امل ولو بسيط ان تسامحه .

- مش هتقولى حاجة ؟ قال امير

- هقول ايه هقول ايه . قالت بسنت بصوت مرتفع و

صراخ

- هتسامحىي ؟

- انا بكرهك .. انت اقوى من الشيطان نفسه ... تتفق مع

اخوك وتتراهنوا عليا ؟ على قلبى ؟ ليه ؟ ليه ماسبتينش اموت

ولا انى اعيش تانى ميتة كل يوم .

- بسنت انا كنت حنين معاكى على طول .

- الحنين ممكن يقسى انما القاسى عمره مايحن

- بسنت الى اتكسر ممكن يتصلح .

- الى انكسر مش بيتصلح دة بيوحش اكر .

- انا هديكى الاربعة مليون الى خدتهم من فهد مهر ليكى

لما نتجوز .

- مش هتجوزك ومش عايزة اعرفك تانى . حسبى الله

ونعم الوكيل . حسبى الله ونعم الوكيل ثم خرجت بسنت من

اخرا وليس اخيرا _____

الشقة وظل امير بيكى . وهنا تيقن امير ان بسنت لن تعود مرة
اخري .



انتحار

كان امير يظن انه يستطيع ان يصنع ويشكل القدر بيده
مثلما يشكل الفنان رسمته .. كان يعتقد انه امتلك مفاتيح
الكون وقلوب البشر ببعض المصطلحات والنظريات التي
تعلمها عبر مسيرته المهنية .

لم يكن يعرف ان هناك جزء خاص لله وحده جزء
لاستطيع التحكم فيه او الاقتراب منه الا بالقرب من الله
فالانسان اذا اراد الانتصار في شىء ما يجب ان يضع الله امامه
.. لان نهاية النصر ستكون بالخير وان دام الشر . فدائما من
الافضل ان نترك مسألة الانتقام لله وحده ونكمل حياتنا بلا
غضب .

مرت قرابة شهرين من بعد انتهاء امير علاقته مع بسنت من
بعد اكتشاف وظهور الحقيقة .. قضاهم امير في الاسكندرية
... مكان الحزن والفرح ... لم يعرف امير وقتها من اين يبدا
.. من اين يبدا الحديث مع الله لكى يتوب عليه ... اين هى
النقطة التي سيبدا منها امير طريقه الجديد الذى سيستخلص

منه القيم والمبادئ التى سيسير عليها لبقية حياته . جالسا فى نفس المكان الذى جلس فيه سابقا وهو يحرق الصفحة القديمة المليئة بالذكريات السيئة ويفتح صفحة جديدة مع نفسه ... املا فى ان يكون القادم افضل متحسرا على اللمة الزائدة التى كانت بعينه وهو يفتحها باثارة .. متحسرا على ظنه الجيد لايامه القادمة . متحسرا على الخطط والامال والطموحات التى كان ينوى فعلها مع بداية العام الجديد .

كان يعتقد ان الصفحة الجديدة ستكون قادمة بالاحسن والافضل لكن هذا لم يحدث بل جاءت باسوء من ما جاء قبلها فابرغم مشاكل وصعوبات الصفحة القديمة فهى ارحم من ... الجديدة . ومع ذلك لم يقم بتمزيقها او حرقها املا فى ان تكون نهايتها سعيدة . انعزل امير فى الشهرين الماضيين عن العالم الخارجى السىء الذى هو واحد منه فاصبح الطيب الذى يعالج المرضى من الحزن والاكتئاب هو ايضا حزين ومكتئب ويحتاج الى من يحكى معه ولكن من سيفهمه ومن سيعذره .

صامتا ... لا يريد الحديث حتى مع نفسه لا يريد ان يذكر نفسه بكمية الاذى و الضرر الرهيب الذى الحقه بسنت

يعلم انه فقدھا الى الابد .

ينظر الى البحر هو فقط من يخفف من اوجاعه وحزنه
ويتذكر بداية علاقته مع الفتاه الفرعونية التي كانت بجانب
البحر ايضا . وعندما كان ياتي الليل كان يدخل امير داخل
الشاليه و يجلس بجوار المدفئة .

يظل ينظر الى الساعة المعلقة على حائط الغرفة يستمع
الى دقات عقارب الدقائق والثواني حتى ياتي نهار اليوم
التالى (انى مشتاق لحبيبتى . فحبيبتى هدية باهظة الثمن .

احيانا اقول انى سوف اشترىها واحيانا اشعر انها فى خيالى
فقط . كنت افكر فى ان اشترى جزء منها . فهل من الممكن ان
املك قلبها او اطيل النظر الى عيناها او امسك يدها او
احتضنها ؟ شىء واحد من كل هذا .. ولكن هى لا تباع
مجزاة تباع كلها مرة واحدة . اعلم ان الله يذكرنى بجزء منها
لان من الممكن ان اصاب بالجنون اذا امتلكتها جميعها لا
اعلم كيف اهلها واصدقائها وجيرانها يتحملوا ان ينظروا اليها
او يستمعون لها وانا لا .. فهى مثل الملاك شديد الضوء لا
استطيع ان اراها ولكن استطيع فقط ان اتذكرها)

- هنيئا لكم . هنيئا لكل من حاول الابعاد بينى وبين معشوقتي وانهاء تلك العلاقة . البلغكم بشيء ؟ لقد نجحتوا .

نجحتوا فى ابعادنا الى الابد نجحتم فى قطع جزء من قلبى ورميه فى عمق البحر .. نجحتم فى جعل عيونى تتكلم بدلا من لسانى .. نجحتم فى اذلالى واهانتى وكسرى وبررتم افعالكم القذرة بقول كل شىء قسمة ونصيب .. كنت دائما اردد يا الله ... يا الله اذا كان لى بها خيرا فاجمعنى بها فى دنيتك لقد اكتفيت بها من متع الدنيا وان كان لى بها شرا فابعد يا الله من بينى وبينها كل مكروه وردھا لى سالما ولكن فى نهاية الامر .. رحلت .

هنيئا لكم دائما نسعى وراء احلامنا البعيدة التائهة التى تمنيناها فى يوم كنا فيه سعداء للغاية ومطمئنين باننا سننام ونحن لن نفكر فى شىء من كثرة السعادة ... وكاننا نائمين غائبين عن الواقع المؤلم الذى حولنا ... الذى يحاول بقدر الامكان السيطرة علينا نسينا ان هناك احلام نام الانسان على امل تحقيقها ونامت هى ايضا ولم تستيقظ ولم تصل لضوء النجاح فى يوم من الايام واستيقظنا بدونها وكان الواجب

علينا والمتاح امامنا هو اكمال الحياة الى النهاية .. اكمال سير الطريق بلا احلام او اناس كنا نعتقد انهم سير افقونا يكملون معنا الى الابد ولكن ماذا نفعل ؟ هل نقاوم ام نستسلم للوقوف ؟ قرر امير الذهاب الى مكان لن يمحي من ذاكرته طيلة حياته وهو المكان الذى حاولت حبيته بسنت الانتحار فيه واحياها امير مرة اخرى بعد ان اوشكت على توديع الحياة والذهاب الى عالم اخر لا يوجد فيه مشاكل وصعوبات الحياة ولا غدر الاخرين ((اعلى الصخور)) ثم بدا بالتذكر ... تذكر الحديث الذى قاله لها عن اكمال طريق الحياة والامل والحب و القرب من الله متحسرا على ذلك الكلام ايضا لانه ببساطة لم يجرب طعم عذاب الفراق و الابتعاد عن من يحب.

ظل ينظر الى البحر وفي هذه المرة كان البحر هو من ينادى عليه . يطلب منه ان ياتى له ولكن فى هذه المرة لن يكن هناك شخص سينقذ امير وسيحبه مرة ثانية فى الحياة وسيحدثه عن الامل والتفاؤل مثلما كان يفعل مع بسنت ... بل كان كل من حوله من ضوء الشمس الساطع والهواء البارد والرياح الهوجاء وماء البحر الازرق والامواج الشديدة تساعده على

الحزن والاكتئاب . حبيبتى .. لمدة طويلة لم اراكى فى منامى
لقد بدأت ان انسى طيفك وعطرك . حبيبتى .. اشتقت الى
وجهك المبتسم الذى يحول ليلى نهارا واشتقت لشعرك
المرسوم على رقبتك وعيناكى اللتى مثل حبات اللؤلؤ.

حبيبتى .. اشتقت الى الحديث معك والنظر الى شفتيك
وهى تتحرك وكان الدنيا تفتح لى باب السعادة . حبيبتى ..
انتى الشمس والقمر والسماء باكملها و انتى الضوء والخضر
واليابس والكون . حبيبتى .. انتى حورتى فى الدنيا واكتفى
بك من الحوريات حتى لو دخلت نارى . حبيبتى .. ياليتك
غدرتيني او كذبتى على او احببتى غيرى حتى اكرهك ولكنى
لن انسى حبك الجميل التى انعمنى الله به .

انت سمائى التى تغطينى وتدفعنى والتى لا استطيع
الخروج عنها . لن انسى دقات قلبى السريعة واللهفة المشوقة
لك ابدا . انت حورية يمتلكها فقط من دخل الجنة ولكن
اعرف انى من اهل النار فى دنيتى واخرتى الان قرر
امير ... قرر ان ينتحر .. قرر ان يقف من اعلى الصخر ...
قرر ان ينجح فى مالم تنجح فيه الفتاه الفرعونية ... قرر فى
نهاية الامر ... ان يموت لانه ببساطة لم يستطيع التحمل ان

يعيش بدونها لم يستطيع ان يمحي من حياته اسم ...
بسنت ... لم يستطيع تحمل الهزيمة والفشل في ابقاء
علاقتهما الى الموت .. لم يستطيع

- يلا يلا يلا يا امير يلا ... سامحنى يارب
بس انا بجد مش قادر اكمل ومش قادر استحمل .. اشهد ان
لااله الا الله . وحده لا شريك له . وان سيدنا محمد عبده
ورسوله

- امير

- امير يلتفت امير الى من ينادى عليه .

- امير ليجدها حبيته بسنت . يظل امير ساكتا صامتا
منذها لما امامه ثم ينزل من على الصخور الى الاسفل .

- بسنت ؟ تبكى بسنت .

- كنت عارفة انى هلاقيك هنا .. بتعمل ايه ؟ قالت بسنت

- بتتحر يا بسنت . بتتحر بموت نفسى علشان مش قادر

اعيش من غيرك . قال امير وهو يبكى

- وهتسينى عايشة فى الدنيا دى لوحدى .. دة انت الى

انقذتني ؟

- قصدك ايه ؟ تسائل امير

- يعنى تعالى فى حضنى يا امير ... انا كمان مقدرش اعيش من غيرك . قالتها بسنت وهى تفتح ذراعها له تلقى امير عدة انفاس متتاليه واحمر وجهه ولم يصدق ما حدث له ثم قام بضمها واحتضانها ..

- يعنى خلاص مش هتسييني تانى ؟

- مقدرش يا حبيبي ... مقدرش .

- وهتسامحيني على كل اللى عملته فيكى ؟

- هسامحك يا امير .

- كل اما بشوفك بعرف ان لسة فيه امل فى بكر ا .

- بحبك . قالت بسنت

- وانا كمان بحبك وبعيش فيكى . قال امير انقذت بسنت امير وردت له جميل انقاذ حياتها فابعدت عنه الموت وابعدت عنه عذاب النار وعذاب فراقها وقررا ان يكملوا الحياه سويا بلا كذب او خداع وحمد امير ربه على هذا وقرر

اخرا وليس اخيرا

ان يسير على الصراط المستقيم ويعيش لحبيته فقط .

محاولة قتل

من بعد ذلك اصبح امير كطفل جاء الى هذه الحياة قبل بضع دقائق وكان جميع ذنوبه واخطائه قد مسحت ولن تعد مرة ثانية وارتد الامل والتفاؤل الى جسده .. وسكنت الحيوية داخل صدره واصبح كالطير الحر الذى يرفرف كيفما شاء ... بعد ان عم قلبه الحزن والياس لفراق حبيبته بسنت فهى التى احبته من جديد و سامحته على خداعه لها.... وبثت داخل قلبه شعور الاطمئنان و الحب لان ببساطة الحب اقوى من الخصام . ما ارحمك ياالله ... فانك فضلتنا عن مخلوقك ابليس الذى لم تقبل منه التوبة على عكس ما تفعله معنا دائما فرحمتك واسعة تشمل الكافر والمؤمن ... كانك تريد وبأى طريقة ان ندخل الجنة وكما قلنا سابقا ... لا تياس ابدا من النهاية فربما يكن جزء ثانى من قصتك . اما عن بسنت فطلبت من امير التعجل فى امر زواجهما حتى يتجنبان حدوث اى مشاكل او صعوبات من اى طرف . خصوصا بعد المصائب التى واجهوها سويا من فهد ويسرا والدتهما فاقرحت عليه ان يكتبوا كتابهم حتى يتم زواجهم بشكل

رسمى .. وبعد ذلك يستعد امير لتجهيزات زواجهم بشكل كامل .. الى ان يجتمعوا في بيت واحد وبالتالي لن يستطيع احد ان يفرقهم او ينهي علاقتهم . واخيرا وليس اخرا وبعد طول انتظار وبعد صعوبات ومشاكل واجهت كلا من امير وبسنت . تم كتب كتابهم في مكتب الماذون الشرعى . بحضور القليل من الاهل والاصدقاء من كلا الطرفين وذلك بعد معاناه وصبر كبير . فعمت البهجة والسعادة على امير وبسنت .. لم يصدقوا انهم اصبحوا متلازمين الى الابد ولم يتبق على اكمال زواجهم سوى الفرح .

- ياااااه ... اخيرا بقيتى ملكى يابسنت ومفيش حاجة هتقدر تفرقنا عن بعض ... انا من زمان وانا مستنى اليوم ده لحد ما جيه ... الحمد لله ليك يارب على كل حاجة حلوة اديتها لى .. ودار الحوار بين امير وبسنت كالتالى :

- الف مبروك يا حبيبتي . قال امير وهو فى قمة السعادة

- الله يبارك فيك .

- اخيرا بقيتى حلالى .

- شوفت بقى .

- وعدتك ووعد الحر دين .

- ربنا يخليك يارب .

- كدة مش فاضل غير الفرخ . ويتقفل علينا باب واحد .
قال امير وهو مبتسم

- يماما انا خايفة . قالت بسنت

- لا متخافيش طول ماانا جنبك علطول . قال امير وهو
يمسك بشدة فى يد بسنت هل تعتقدون ان هذه هى النهاية ؟
نعم لقد اقتربت بالفعل و حان وقتها ولكن تبقى جزء بسيط
.... يجلس الان شخص يدعى (منصور حسين) على مكتبه
فى محل مرخص لبيع الاسلحة المختلفة . يقوم بتنظيف
مسدس من النوع (الديرست ايجل) ثم يضعه داخل الباترين
. يقوم بتدخين نوع السيجار المفضل لديه . يمسك هاتفه
ويقوم بحك ذقنه كأنه يفكر قليلا ... ثم يتصل .

- الو ... ازيك يا امير ... عامل ايه ... طمنى ايه اخبارك
.... انا بخير الحمد لله ... كنت عايزك تعدى عليا فى المحل
فى اقرب وقت عايزك فى موضوع كدة مهم وعندما جاء
له امير دار بينهم الحوار كالتالى :

- ازيك يا حبيبي عامل ايه ؟ قال امير
- تمام الحمد لله يا امير ؟ قال منصور
- واحسنى والله .
- وانت اكثر .
- بقى ياراجل اعزمك على كتب كتابى وماتجيش .
- معلىش بقى . انت عارف ظروف الشغل . سكت كلا من امير ومنصور قليلا ثم قال امير :
- قولتلى فى التليفون انك عايزنى فى موضوع . خير يا صاحبي . سكت منصور ايضا ثم قال بنبره صوت منخفضة :
- بص يا امير .. انت صاحبي واخويا وعشرة عمر من زمان . وانت عارف معزتك عندى قد ايه . علشان كدة لما احس انك فى خطر لازم ابلغك ... توتر امير لبضع ثوانى ثم قال :
- خير يا منصور .
- من قيمة اسبوع كدة جالى فهد اخوك انت عارف ان انا وهو صحاب برضو ... مانتا الى معرفنى عليه .

- تمام وبعدين . قال امير
- المهم هو بصراحة طلب منى طلب غريب شوية ...
طلب سلاح ليه .
- سلاح . قالها امير وهو يشعر بالاستغراب والخوف
- الصراحة انا استغربت لانى اعرف ان فهد اخره . سجاير
حشيش . خمرة . بنات . انما سلاح دى غريبة شوية
- وبعدين ... عملت ايه ؟ تسائل امير
- ابدأ بيعت له سلاح طلق بس استغربت . ولما قلبتها فى
دماغى خوفت ليكون عايز يعمل فيك حاجة خصوصا انى
عارف ان فيه مشاكل بينك وبينه بسبب خطيبتك .
- قصدك مراتى .
- بالظبط كدة ... فاقولت اقولك احذرك منه لا يكون
ناوى على شر ولا حاجة . وبرضو لو عايز اى مساعدة انا
تحت امرك . سكت امير وظهرت على وجه علامات الغضب
الشديد والخوف . علم بذلك ان فهد ينوى قتله ... ثم بدا
يفكر لبضع دقائق ... ثم قال لمنصور :

- انا كمان يامنصور عايزك فى خدمة صغيرة .
- قول ياكبير . قال منصور
- انا كمان عايز سلاح ... بس يكون نوع كويس علشان
دى اول مره اشترى حاجة زى كدة .
- انا تحت امرك . بس هو انت ناوى على ايه .
- متخافش دة مجرد حماية لية بس .
- حاضر حاضر يدخل منصور الى المخزن وبعد دقائق
يخرج ومعه شنطة ثم يضعها على المكتب .
- ايه الشنطة دى ؟ تسائل امير يقيم منصور بفتح الشنطة
ليجد بداخلها سلاح .
- ده نوع جامد من الاسلحة ودى القماشة الى بيتنظف
بيها .
- شكرا ...
- بالنسبة لموضوع الترخيص متقلقش خليه عليه انا بس
اوعى تعمل بيه حاجة مش كويسة .
- لا والله العظيم . حماية مش اكر . الان الاخويين قد

ارادوا الشر . واحد يريد الانتقام لنفسه ولغروره وتكبره
والاخر يريد حماية نفسه وزوجته الذى اقترب فرحهم ويريد
العيش بسلام مع من يحب ولكن ترى من سينتصر هل امير ام
نركسوس ام سيخسران الاثنين ؟ وبعد مدة قد تحقق ماتوقعه
امير فاتصل به اخيه فهد وطلب منه المقابلة فى مكان مهجور
بعيد عن اعين البشر حتى ينهيان امر ذات الوجه الفرعونى ...
بسنت ... قام الاخوين بتجهيز اسلحتهم الغير مرخصة الى
الان . جاء امير الى العنوان الذى اعطاه له فهد بعد غروب
الشمس .. وكان الاخر منتظره فى بيت مهجور بالقرب من
قصر والدته .

- ازيك يا امير .

- ازيك انت يافهد .

- تمام الحمد لله . الف مبروك .

- على ايه . قال امير

- على كتب كتابك على بسنت . قالها فهد وتنبعث من

عينه شراره الغضب .

- الله يبارك فيك . عقبالك . قالها امير بسخرية

- انت عارف يا امير انى مش هتجوز تانى .
- والله يافهد دى حاجة ترجعلك انت . فى لحظة اخرج فهد سلاحه من جانبه ووجه على راس امير .
- مش انا قولتلك يا امير ان الحل الوحيد علشان تتجوز بسنت هو انك تقتلنى . معملتش كدة ليه يا اخويا .
- علشان كان عندى امل واحد انك تعقل وتتغير بجد . بترفع عليا سلاح يا فهد ؟ على اخوك ؟
- اه برفع . برفع يا امير وهقتلك كمان دقيقة .
- كل ده علشان بسنت ؟ قال امير
- اه علشانها ماهى تستاهل وعلشان الفلوس الى انت خدتها منى .
- طب انت هستفاد ايه من موتى ما كدة كدة بسنت مش هترجعلك ؟
- هستفاد انى مخلتكوش تتهنوا ببعض وابقى انا الخسران وكمان انا وعدتك انى هقتلك وواعد الحر دين . صمت امير لعدة ثوان ظل ينظر فيهما الى الارض و فهد حامل المسدس

- مسدسى انا بقى الى مليون طلق .. ده الى هموتك بيه ان شاء الله . يضحك امير ضحكة خافته ثم يرمى مسدسه بعيدا عنه ويفتح ذراعيه امام مسدس فهد .

- مستنى ايه اقتلنى ؟ قال امير ينظر له فهد نظرة غضب .

- يلا ... يلا يافهد . اقتلنى . مش خطتك نجحت ؟ مش انت اتفقت مع منصور انه يعمل عليه الحوار دة كله علشان اثق فيه واطلب منه انه يدينى مسدس فايدىنى مسدس صوت فاموتى انت .. يلا يلا اقتل . يزداد خوف وغضب فهد وترتعش يده الحاملة للسلاح ويستنشق عدة انفاس متتالية .

- يلا ... يلا اقتلنى مستنى ايه . قال امير

- انت عارف ... انت عارف انى مش خايف منك ولا حتى خايف من ربنا .. انا بس اول مرة اعمل حاجة زى كدة . قال فهد

- وان شاء الله تكون اخر مرة بس يلا يلا اقتل ... اقتل اخوك الى من لحمك ودمك ... اقتل اخوك الى كان خايف عليك وهمه انك تبقى كويس ومش زعلان . اقتل . اقتل يا اخويا ترتعش يد فهد بشكل كبير حتى يسقط من يده

السلاح ويلتقط انفاسه ثم يبكي .. يبكي فهد بشدة .

- انا لو مقتلتكش انا هموت نفسى يا امير ... هموت نفسى .
قالها فهد وهو منهار بشدة

- زمان كنت خايف عليك من الموت ... انما دلوقتي لا .
عايز تموت نفسك .. موت .. معنديش مانع ومش هزعل
عليك . موت يافهد موت وسيني انا وبسنت نعيش لبعض .
يتركه امير يبكي بكاء شديد ويلتقط مسدسه الفارغ من على
الارض ثم يرحل مرت ايام ظل فيها فهد يسكر كثيرا
ويشرب الخمر يحاول التخلص من كبريائه وغروره ..
يحاول التخلص من النرجسية التى بداخله . يحاول التخلص
من شدة حبه لنفسه وكره للناس .. يحاول التخلص من
الشیطان الذى بداخله ... يحاول التخلص من نركسوس
ولكنه فشل . حتى قام بالاغتسال لمدة وذهب الى غرفة
فارغة وخالية من الاشياء عدا كرسى خشبى فى منتصف
الغرفة ... ثم قام باغلاق النافذة باحكام ...

- مش قادر ابعد عن الشر الى جوايا ... مش قادر اخرج
الاذى والحقد والامتلاك من جسمى و مش قادر

اخرا وليس اخيرا

اتخلص من حب الشهوات نركسوس مش هيموت الا
لما فهد يموت

- انا لن اخاف من الموت ولن اتردد يصعد فهد
على الكرسي ويقوم بلف حبال الشنق على رقبته ...

اخرا وليس اخيرا

الان جاء الوقت .

جاء الوقت لامتلاك حبيبتي . الفتاه الفرعونية . الى الابد .
الى اخر العمر .. لقد حانت اللحظة التى طالما انتظرتها
و حاربت جيوش اهلى من اجلها ... من اجل ان تبقى لى
و حدى ... من اجل النظر لعيناها لمدة طويلة .. طويلة جدا
دون الخوف من ان يراقبنى احد . من اجل مشاركة خطوط
كف يدى الى خطوط يدها . للابد .. من اجل رسم ملامح
جسدى على مفاتن جسدها ... بسنت ... هى الضحكة التى
رسمت على وجهى هى الشمس التى تنير لى اركان دينتى
هى التى تستحق ان تسقط دموع عينى من اجلها هى
حياتى ومماتى هى كرامتى وكبريائى وتكبرى هى انا هى
التي معها تنتهى النهاية فقد احييتها مرة .. واحيتنى مرة
وانتصرنا على الموت من اجل بقائنا سويا ... فحبيبتي مذاق
لن يستطيع احد وصفها سوى من تذوق نار عشقتها . اغرق فى
بحر دموعها المالحة . انام على صدرك لاعد ضربات قلبك
خوفا من ان تتزايد . خوفا من ان تقف وتتركنى بلا قلب ..

اعلم بان دقات الشوق داخلى لن تستطيع معك صبرا فى حبك تعلمت الحب .. وفى الحديث معك يحلو مذاق لسانى و يرفرف من كثرة الكلمات وفى خطوات سيرك تعلمت حب جمال الارض وفى تذكرك تعلمت حب نسيان من حولى ... معك الدنيا رسمة وبدونك الكون بلا الوان احب فيك جمال العشرين و اثاره الثلاثين ونضوج الاربعين وصحبة الخمسين .. بك يصبح العمر عمرا وتهون على شدائد الحياة . اتمنى . اتمنى ان التقى بك فى براح جنتى مثلما التقى ادم بحواء فى الارض وان التقى بك الشيطان وطلب منك ان توسوسى لى ساستعيذ به وانفذ كلامك ... بدأت تجهيزات الفرحة تبدا من حيث تشغيل الاضاءات و استعداد العاملين بالفندق وحضور المعارف والاصدقاء وبدأت موسيقى شعبى تملأ صوتها فى ارجاء القاعة . ومع ذلك بدأت دقات قلبى فى التزايد و معها انفاسى هذا اول زفاف لى بعد فى حياتى خصوصا انى اشرفت على الاربعين ... كم كنت اتمنى ان تشتغل اغنية راقية بدلا من هذا الكلام الفارغ .. اتذكرون كاظم الساهر عندما قال : حبيبتى مرت على بالى

اليوم وقفت تقدير لها يوم مرت جابت لى الفرحة وانا كنت مهموم الظاهر انها عن علومى تحرت وفراقها كون فى خفاقى غيوم امطارها على الفياقى . لو مرت تنبت من الازهار ماكان معدوم وتسر نفس من زمن ماستسرت كنت اتمنى لو ان الذى جى يقوم بتشغيلها مثلا ... ولكن بالطبع لا .

الان لا داعى للتاخير اكثر من ذلك سوف اذهب الى بسنت لاطمئن عليها واراها لاول مرة بفستان الزفاف .. ملك لى .. و امسك يدها ونذهب للحضور . اعلم ان الوقت مبكرا قليلا ولكنى اريد الاستفراغ بها وحدى بعد ذلك . بدأت فى الصعود على درجات السلم خائفا . لم اختار ركوب المصعد حتى استعد نفسيا للموقف .. الان انا اقتربت من غرفتها قمت بطرق الباب وبعدها فتحته بكارتى الخاص .

- بسنت . بسنت . وجدها مرتدية فستان قصير لم يلاحظها به من قبل وتعطى له ظهرها .

- ايه يابسنت ؟ انتى لسة مجهزتيش ؟ امال فين فستان الفرحة ؟ تستدير .

- كان نفسى يا امير البسه ليك من زمان . بس محصلش

نصيب . سكت امير قليلا واندهش مما وجد .

- فين بسنت ؟

- مشيت بقالها كثير .. وحشتنى يا امير . فاكر اخر مرة

شوفنا بعض فيها ؟

- انتى .. انتى بتعملى هنا ايه يا حنان ؟

- وحشتنى . قالت حنان لم يعرف ماذا يقول امير .. كانه

مثل الابله .

- بقولك فين بسنت ؟

- قولتلك .. مشيت وسابتك . قالت حنان

- انتى .. انتى شكلك بتهزرى . هى بسنت عزمتك على

الفرح ؟ بدا يمشى بين اركان الحجره باحثا عن الفتاه

الفرعونية . بصوت عال .

- بسنت ... بسنت .

- انت ليه مش مصدق انها مش موجوده هنا .

- امال فين ؟ انتوا اكيد بتهزروا معايا مش كده ؟ قال امير

وهو ينهج .

- بسنت موتك يا امير ... انت اساسا ميت من زمان .

- بقولك فين بسنت .. بصوت مرتفع

- انا وبسنت كنا متفقين عليك من زمان . وانت شربت

المقلب .

- ازاي ؟

- هاقولك . بس انت اهدى . اهدى علشان نعرف نتكلم .

يقوم بخلع الكرافة من على عنقه .

- هديت .. ممكن تقولى ايه اللى بيحصل بالظبط ؟ بدل

ماروحك تطلع على ايدى . قالها امير بعد اقترابه من حنان

ومسكه لها بشدة .

- ابعد ايدك عنى . قالت حنان

- قولى . بصوت مرتفع مرة اخرى .

- انا وبسنت اتفقنا عليك ... من بعد ما بسنت سمعتك

التسجيلات اللى سجلها لك اخوك فهد واعترفتلها بكل حاجة

وسابتك ومشيت .. بسنت جاتلى .

- جاتلك ليه ؟

- اتنين بنات مكسورين . كسرهم شخص واحد .. هو
انت يا امير . هى خلاص اكدتلى انها عمرها ما هترجع ليك
تانى . وانها مش هتسامحك ابدا .

- وبعدين ؟

- عيطنا سوا وزعقنا لبعض وشكينا همنا لبعض . بنات
غلابة ضعاف . وبعد كدة خططنا قصدى انا الى خططت .
قولتلها ما نحارب امير بنفس السلاح ... ترجعيله تانى
وتقوليله انك سامحتيه وتعلقيه بيكى وبعد كدة تسبيه .

- لا . لا مستحيل بسنت سامحتنى بجد هى جتلى
اسكندرية وقالتلنى انها مسامحانى . انا كنت هنتحر اليوم ده .

- كدبت عليك زى ما انت كدبت عليها ... اه نسيت
اقولك مانا قولت لبسنت انك عملت معايا علاقة.... وبقيت
مش بنت وبعد كدة سبتنى وروحتلها .

- كدابة ... كدابة .. مفيش حاجة حصلت بينا انا طردتك

من البيت قبل ما استسلم ليكى .

- كدبت برضو . ما احنا كلنا كدايين يا امير . قالت حنان وهى تبتسم ... مستنى ايه ... حط نفسك مكانها ياراجل امك رفضاها وقالتلها كلام مستحيل اى واحدة تقبله على نفسها . وشكيت فيها انها مش بنت . اكتشفت ان اكثر انسان خدعها وضرها انت اخوه . بعد كدة اكتشفت انك انت واخوك كتتوا متفقين عليها من الاول علشان تنتقم لاخوك . وفى الاخر اكتشفت انك خونتها مع خطيبك السابقة وعملت معاها علاقة غير شرعية . كذب اه بس صدقت . مستنى ايه . تاخذك بالحضن ؟

- ليه حرام ليه عملتوا كدة ؟

- ملقتش ملجا غيرى علشان تنتقم منك . زى ما انت واخوك حبيتوا بسنت . برضو انا وبسنت حيناك . وزى مانت واخوك قررتوا تنتقموا من بسنت برضو انا وبسنت قررنا نتقم منك . احنا الاثنين حيناك واحنا الاثنين اتاذينا منك . فاتفقنا عليك . اساسا يا امير انتا محبتش بسنت . والله العظيم . ازاي حبيتها وحاولت تنتقم منها وكمان كان فاضل لحظة

وتخونها معايا

- انا هو ديكوا في ستين داهية . اتفقتوا عليه في ايه ؟

- انها تسييك يوم فرحك وتبقى كسرت قلبك زى مانت
كسرت قلبها اكثر من مرة . قالت حنان . بس احنا ضربتنا
كانت اقوى انت اتفقت مع اخوك انك تعلق بسنت لحد
ماتخطبها وبعد كدة تسييها ... انما احنا خططنا .. ان بسنت
تفضل معلقا و ترجعلك تانى و تمثل عليك انها سامحتك ..
وتسييك يوم فرحك زى الاهبل . سكت امير قليلا وكأنه بدا
يستوعب الموقف ثم قال بصوت مرتفع .

- دى مراتى . انا كاتب كتابى عليها . هجيبها يعنى هجيبها
. و هتعيش معايا غصب عنها والا اسجنها .

- مفيش اى حاجة تثبت انها مراتك . قالت حنان . احنا
اتفقنا مع الماذون الى عقد الزواج بينك وبين بسنت واديناله
قرشين حلوين مقابل انه مسجلش الورق الرسمى لجوازكم
في المحكمة وقسيمة الجواز بتاعتك بسنت سرقتها من
بيتك وهى بتحط الهدوم في الدولاب وانت مش موجود .

بدات دموع امير فى السقوط .

- حنان ... حنان انا ممكن اموت نفسى . انا مقدرش

اعيش من غير بسنت . قال امير وهو بيكى

- ياااه . غريبة اوى حكاية الموت دى يا امير .. فى البداية

فهد اخوك كان عايز يتتحر علشان بسنت و بعد كدة بسنت

حاولت تتتحر وانت انقذتها ... وبعدها كدة انت دلوقتى الى

عايز تتتحر . مش ملاحظ انها غريبة شوية ؟ قالت حنان

- طب ممكن بس اتكلم معاها ؟ انا متأكد انها

هتسامحنى زى ما سامحتنى قبل كدة كتير . تضحك حنان .

- تسامحك .. بسنت زمانها فى الطائرة ومسافرة ومش

هترجع مصر تانى هى قالتلى انها مش عايزه تشوفك ولا

تشوف حد تانى .

- طب ليه ... ليه كل اللعبة القذرة دى ماكانت قالت ليا

انها مش عايزانى من غير كل اللفة دى .

- انت ناسى انك اديت لها مهر بقيمة ٤ مليون ثمن

الاتفاق الى بينك وبين اخوك . علشان تضحك عليها اهى

خدتوا ليها .. طبعا بعد ما خصمت نسبتى تتهنى بيهم ان شاء الله .

- والله العظيم هموت نفسى . قال امير وهو ينهج

- اه نسيت اقولك قبل ماتموت نفسك بسنت بعنت معايا رسالة ليك بتقولك : الدنيا مش مستاهلة كل دة و الجرح بيشفى والله العظيم بيشفى يفضل ينزف لحد ما ييطيب لازم نكمل علشان بكرافى حاجات كثير اوى مستنيانة احلام وطموحات واهداف . وبتقولك برضو ابدا بداية جديدة افتح صفحة جديدة مع نفسك احنا خلاص على مطلع السنة الجديدة . بتقولك النجاح بينسى الى فات ولو حلم ضاع احلم بغيره .

- خلاص مفيش صفحات جديدة . خلاص . دى اخر صفحة انا فتحتها ومش هفتح صفحات تانى . هى دى النهاية . قال امير

- بنات الناس مش لعبة يادكتور عايز تلعب انت واخوك شوفلك واحدة من الكبارية تتسلى معاها مش بنت محترمة

زى بسنت . . . سلام يا امير .. تركته حنان وذهبت وهو يعلم انه قد خسر الجميع . ولكن ساحول مرة اخيرة . الان هو يركض بشدة ثم يطلع على سلم شقته مسرعا على عكس سابقا وهو ينهج ودقات قلبه تتزايد . املا في ان يجد بسنت مازالت في بيته ... ظل يبحث في اركان الشقة ولكن لاوجود لها وعندما فتح الدولاب لم يجد ملابسها التي وضعتها ولم يجد ايضا قسيمة الزواج فعلم ان الخطة قد تمت بنجاح . الان بدا ياخذ موضع الجد ثم قام بفتح الخزنة واخرج المسدس الخاص به ثم نزل الى الشارع مرتدى البدلة السوداء .. بدلة الزفاف .. في حبا حسادى يكثر اللوم وهى ورا عوج الضلوع استقرت احلم بها واطيح من النوم واقوم .. فرحان لاكل فرحتى مااستمرت الى صحيت اعاتب الحظ والوم .. الايام والايام منها تبرت الهجر طعنه خاين بسيف مسموم نفسه على فعل الخيانه تضررت ... حبيتى قام امير بالسير فى طرقات الليل بين الاشجار والارصفة و والضواحي (لا يوجد الا القليل فى الشارع) ... يسمع همسات الفشل والهزيمة فى اذنيه ظل يمشى ويمشى كأنه سراب يسير مع

التيار . كانه يتطلع للمرة الاخيرة على هذا العالم البائس و يودعه . متمنيا ان لاتلتقى روحه بجسد شخص اخر في زمان اخر يعيش حياه مميتة مثل التي عاشها . يغلق كتاب الصفحات الجديدة التي طالما قام بفتح واحدة تلو الاخرى حسنا يا عمرى فالنهاية قد اتت ولن يمانعها شىء الان .

- لقد خسرت كل شىء ... خسرت المال وخسرت امى للابد وخسرت خطيبتى السابقة . حنان . نعم لقد احببتها يوم ما .. وخسرت ملك روحي ودقات قلبي . بسنت . وخسرت اخى بالدم . ولكن الاسوء من كل هذا انى خسرت قيم ومبادئ طالما امنت بها .. كنت اقرها على مرضاى وانا فخور بها جدا فى الحقيقة لقد خسرت نفسى ... اقترب امير من شجرة بجانب رصيف خالى شارع من الناس ... ظل يسمع اصوات العصفير التى عليها وكانه يودعهم للمرة الاخيرة ويودع ايضا نسيم رياح الشجر .. بالطبع لن يقابل احدهم فى جهنم يودع هذا العالم للمرة الاخيرة ثم اخرج مسدسه من جيبه الخلفى ووجهه الى راسه ... قام بالتشاهد وقام بالضغط على الزناد اذا اردت ان تقتل انسانا

.. من دون ان تعاقب .. من دون ان يغضب عليك الهك ..
من دون ان تشعر بالذنب او بتايب الضمير .. من دون ان
تسقط نقطة دم واحدة .. فالامر بسيط يا صديقي ؟ كل
ما عليك فعله هو ان تحدد هذا الشخص ثم تقترب منه
تشعره وانك انسان عظيم لا مثيل له وانك مختلف عن الباقية
تجعله يعجب بك ... تتجاوز معه مراحل الاعجاب
المختلفة ثم تقترب منه اكثر يوما بعد يوم تتقاسم فيه معه
افراحه واحزانه وتساعده في تكوين احلامه وتحقيقها ... الخ
... حتى يحبك ... ويتعلق بك .. يتعلق بك كثيرا فتصبح
اول اولوياته وحيب ايامه ورفيق دربه ... يعتاد عليك وتبقي
شيئا اساسيا بالنسبة له .. مفضل عن الاخرين .. وبعد ذلك
... تختفى ... تختفي من حياته نهائيا بلا تردد ولا رجوع
فتصبح ماضي وفي هذه الحالة .. ستحقق هدفك .. هذه
النظرية التي قام باختراعها (نركسوس) قد القت به هو
واخيه وكل من حوله الى الهلاك ... ودمرتهم جميعا ولكن
اعتقد ان هناك شىء بها خاطىء لم اعرفه هل الموت والحياة
في الحقيقة بيدنا ام بامر الله عز وجل هل يستطيع الانسان حقا

ان ينهى حياته ام ان رحله عمره مصيرة بامر الخالق

- انا الى ظلمت نفسى كثير وانا الى زعلتك منى كثير
برضو مع انى بحبك اوى ده انت يارب حيبى .. انت
روحى من جوا ههههه ده انت الى خلقت روحى بس انا
عارف انى كثير بعدت عنك وسلمت نفسى للشيطان . يارب
انا فى الاول وفى الاخر عبدك وروحى مطبعة عليك . على
الخير يا رب سامحنى واغفر ليا انا عارف انى زعلتك
كثير .. وسلمت قلبى للشيطان بدل ماسلم قلبى لىك بس
برضو انا طمعان فى رحمتك الواسعة وتوبت وحياتك عندى
توبت .. ومش همشى ورا الشيطان تانى ... انا بيك يارب
هحارب الشيطان ... وهتغلب عليه . لان الخير دايم بيكسب
فى الاخر اللهم انى أعوذُ بك من الجُبْنِ والبُخلِ، وأعوذُ بك
من أنْ أُرَدَّ إلى أُرْدَلِ العُمرِ، وأعوذُ بك من فتنَةِ الدنيا وأعوذُ
بك من عذابِ القبرِ انهى فهد صلاته ودعائه لله وقام بوضع
المصلاه على الكرسي وقام بشرب القليل من الماء

- ايه افنكرتونى موت نفسى .. لا مستحيل مش انا الى
اخسر او اموت بالطريقة دى .. انا كل الحكاية ان ربنا هدانى

لاخر لحظة وحاولت افتح مع نفسى صفحة خير مع ربنا ...
وابعد عن كل حاجة وحشة كنت بعملها زمان .. وابدأ من
جديد فتح فهد باب الشاليه وخرج الى امام البحر . ظل
لبضع ثوان يستنشق هواء البحر الجميل .. والشمس ساطعة
... ثم مشى على الرمال واتجه الى اخيه امير . الذى كان
قريب من البحر وينظر اليه ياتى من خلفه ثم يضع يده على
كتفه ويتسم .. الان لا داعى للعتاب بعد الصلح .

- صليت ؟ قال امير

- الحمد لله . قال فهد

- اوعى يافهد ترجع للى كنت عليه زمان .

- لا خلاص حرمت . انا هعيش لربنا وبس .

- الخير دايم فى النهاية بيتنصر . مش كدة ؟ قال امير

- طبعا يا اخويا . قال فهد ظلا سويا يتاملان البحر وشروق

الشمس .

- تعرف انك انقذت حياتى . قال امير

- ازاي ؟ تسائل فهد

- لما حاولت اموت نفسى كان المسدس الى معايا هو
مسدس الصوت .. الى منصور اداهولى .. الى حاولت
اقتلك بيه .. بعد ما دوست على الزناد طلع صوت بس
محصلش اى حاجة حسيت ان ربنا كتبلى عمر جديد .
استغفرت ربنا ... وحاولت ابدا بداية جديدة مع نفسى .

- يعنى لو كنت قتلتنى . كان زمانك ميت . قال فهد

- صح . انقذت حياتى يافهد زى مانا انقذت حياتك زمان
ياخويا . قال امير

- انا كمان يا امير رجعت عن الى فى دماغى لآخر لحظة
ومقتلتش نفسى .. حسيت ان ربنا بعث ليا رسالة بيقولى فيها
(عيش يافهد .. عيش للخير) فكملت .

- ربنا يقوى ايماننا انا وانت ياخويا .

- بحبك اوى يا امير .

- وانا كمان بحبك يافهد . مر من امامهم (عم حسن)
بائع الايس كريم . فاتجه اليه امير وفهد .

- ازيك يا عم حسن يا حلوانت .

- بخير يا امير بيه . بخير .

- طب ادينا اتنين ايس كريم . صمت عم حسن قليلا ثم
قال :

- ايه انت منفعتش مع الستات قولت تجرب حظك مع
الرجالة . ضحكا فهد وامير بشدة واعطى لهم (عم
حسن) الايس كريم . لقد كانت العبارة خاطئة من البداية ...
دائما هناك امل دائما هناك مرحلة تالية تحدث فيها عدة اشياء
. منها الجيد ومنها السىء . حتى النهاية لاتكمن عند الموت .
فهناك قبر وهناك حساب وهناك جنة يشتاقي اليها الكثيرون ..
لم يخلق الانسان للنهاية . دائما هناك صفحة جديدة

تمت

اخرا وليس اخيرا

بجاء ياسر محمد



المدير العام: أحمد فؤاد

للتواصل: ٠١٠٩٠٧٦٧٩١٩

العنوان: ميدان الساحة - الدقي - الجيزة

جميع حقوق طبع ونشر هذا الكتاب محفوظة لدى دار صيد
الخاطر للنشر والتوزيع والمؤلف، وأي محاولة لطباعة الكتاب
بأي شكل من الأشكال دون الرجوع إلى الدار والمؤلف يعرض
صاحبه للمسائلة القانونية